

四庫全書

史部

欽定四庫全書

史部

至大金陵新志卷十三上之

下至

詳校官編修

臣曹振鏞

檢討

臣

德生覆勘

總校官檢討

臣何思鈞

校對官助教

臣

陳木

謄錄監生

臣

馮觀潮

欽定四庫全書

至大金陵新志卷十三上之上

元 張鉉 撰

人物志一

自古國家之興昌嘗不求賢審官君臣同德以躋隆平
之治乎以堯舜禹湯文武周公之聖也而皆有所承事
師友周之興也尤致意於疏附先後奔走禦侮之臣詩
曰思皇多士生此王國言周之將興而致多士之生於

國也又曰王國克生維周之楨言人才衆多足為國之
楨幹則聖如文王亦賴之以為安矣陵夷至於幽厲棄
賢用佞朝無柱石之臣而野有白駒之刺王綱由是解
紐而霸者興焉春秋之世大國莫如齊晉及楚傳稱惟
楚有才晉實用之然亦有自晉奔楚而為之用者賢才
之生于世猶奇珍異寶之並產于山林川澤夫豈有中
外遠近之間哉漢承秦暴起匹夫而有天下其王之五
年感項籍烏江遂有江東代設侯王牧守以撫柔其民

行事較可徵考及魏吳分裂天下之民熟爛大壞擾於秦項然孫氏三世據有江東踰六十年其始也任賢使能而興也勃焉其終也親小人遠賢士而亡也忽焉觀孫皓與其臣何楨責已之言所謂噬臍之泣蓋無及矣由吳而上本之生民有國之始由吳而下極於五代宋唐之終要其治亂廢興之故同歸一揆而其精神遇合蓋亦粲然可觀今因前志輯錄周漢以來人物總其游宦封爵於斯可以考見其世家者通具為譜而復掇其

行事之著于耳目關於治化者列而傳之一曰孝悌二
曰節義三曰忠勲四曰治行五曰儒林六曰隱逸七曰
耆舊八曰仙釋九曰方伎十曰列女於以觀風教而徵
世變君子其將取節於斯乎嗚呼天之生斯人也非直
使之飽食煖衣逸居恣睢于羣動之間而已子焉必父
其父臣焉必君其君妻焉必夫其夫民焉必事其事反
是則為刑戮之民而人極有不建矣司載籍者雖欲勿
志惡得而勿志惟其事之有詳畧辭之有繁簡時有遠

近聞見異焉夫子所謂吾猶及史之闕文者若夫微顯
闡幽由一郡之史以集大成其將有所俟于君子乎作

人物志

世譜

古帝有雲陽氏居雲陽高辛時展上公夏禹皆嘗游此今不及載自周以來著之

周

姬姓

郡姓

言偃

游宦

范蠡

左伯桃

羊角哀

伍子胥

封爵

吳伯爵

號勾吳
太伯後

越子爵

號於越
夏禹後

楚子爵

祝融後熊繹始封在江陵枝
江之丹陽滅越後有江東地

春秋時三國皆僭稱王

西漢

劉氏

郡姓

游宦

秦始皇與羣臣巡游過此又有周太賓姜叔茂隱茅山今不及載

魏相

何武

黃霸

梅福

封爵

劉敢丹陽侯

劉纒秣陵侯

劉欽溧陽侯

劉畢溧陽侯

東漢

劉氏

郡姓

陶謙

子開

李南

抗徐

張磐

游宦

史崇

子賴孫茅曾孫涪玄
孫澤子鉉鉉子藻

嚴光

潘乾

李忠

鮑永

張禹

張馴

韓演

滕撫

馮緄

觀恂

周昕

諸葛亮

蔡邕

董永

蔣子文

王祥

祥之後弟覽
孫俊從孫導

封爵

史崇至澤世為潁陽侯

陶謙潁陽侯

吳孫氏

郡姓

史嵩

史懿

史爽

史韶

皆崇裔孫

陶基

子璜抗

朱治

子才琬孫

施績

父然還姓

何洪

子邈弟蔣植

紀亮

子隲

芮祉

兄良子玄

唐固

刁玄

戴顯

游宦

宗室瑜

伯堅父靜
弟皎子屑

賁

叔堅父羌
子隣孫震

松

父劍

登

大帝
長子

和

登弟

張昭

子承休
姪奮

顧雍

子邵裕孫
譚承徽

顧悌

子彥禮謙
祕子衆

諸葛瑾

子恪

周瑜

子循屑姪
峻子護

魯肅

呂蒙

呂岱

程普

黃蓋

甘寧

曾孫卓

呂範

子據

虞翻

子汜忠

吳範

劉惔

葛衝

曹不興

陸績

子淑從子遜

陸遜

弟瑁子抗孫晏景玄機雲

陸凱

遜族子弟子綽

周魴

子處

是儀

丁固

孫潭

韋昭

張悌

趙達

皇象

孟宗

盛彥

張紘

子玄

嚴峻

子凱
爽

薛綜

子瑩
孫魚
瑀

凌操

子統
孫烈
封

徐盛

潘璋

丁奉

朱桓

子異

朱據

子熊
孫宣
損

陳表

父武
兄子
子教
延永

全琮

父承
子緒

鍾離牧

子盛
徇

潘濬

子翦
祕

胡綜

子冲

徐詳

吳景

子奮
孫安
祺
纂

謝承

子崇
勗

華融

子諝
諱

劉基

父繇
弟
鏐
尚

鄭禮

子胄
孫豐

留贊

子畧
平

賀邵

祖齊
父
景
子循

孫邵

步騭

子協

闕澤

韓當

蔣欽

馬普

程秉

徵崇

謝景

范慎

羊衡

吾粲

張闕

屈晃

子緒弟
幹恭

陳正

陳象

徐原

滕胤

王蕃

樓玄

華覈

周昭

陳化

謝淵

徐平

聶友

李衡

張儼

沈瑩

諸葛靚

子恢

石偉

蔡珪

葛系

子悌

桓彝

兄階

封爵

孫胤丹陽侯

潘璋溧陽侯

張昭婁侯

韓當石城侯

芮玄溧陽侯

何蔣溧陽侯

晉司馬氏

郡姓

史楚史晃史璜史隱史淵史諒史琬史陵史援
史光史雅史輝史疇史憲

陶威

父璜弟淑子綏

陶湮

父濬弟猷子觀

陶回

父抗子暄隱

紀瞻

父隣子友鑒

薛蕙

祖縉父
瑩子顯

張闓

祖昭
子混

許邁

祖尚父
副弟穆

王諒

樂道融

甘卓

曾祖寧祖述
父昌子蕃

葛洪

父悌
姪望

陸機

父抗弟
雲眈

陸喜

父瑁
子育

陸曄

父英伯父喜
機子叡孫諶

陸玩

兄曄子納
孫道隆

華譚

父諳子
化茂

虞潭

父忠子伋姪驥
孫嘯父族人預

丁潭

祖固父
彌子

賀循

子隰

顧榮

祖雍
子毗

顧衆

崇族弟父
秘子昌會

顧和

衆族子曾祖
容祖相子淳

周處

父鮪子玘靖扎孫
總彛懋庭贊縉

干寶

父瑩

諸葛恢

祖誕父靚兄
願子儼甘

游宦

晉都江左迄宋齊梁陳幾三百年中
原人士游宦者後皆土著為郡人矣

王導

子悅恬洽協劬奮弟顯敞悅子混孫
孫恢洽子恂珉劬子穆默恢穆子簡智超

默子鑒惠曾子厥孫泰華協子謚孫瓘球
琇珣子弘虞柳璠曇首珉子朗練從兄舍

敦

王廙

導從弟子願之
胡之孫茂敬弘

王彬

從兄澄導遠侃子彭之彪之孫越之臨之

王舒

導從弟子晏之允之孫崑之陋之肺之曾孫肇之

王稜

導從弟祖覽之父琛伯會正

王弘之

導之孫兄鎮之

王義之

導從子祖正父曠子玄之凝之徽之操之獻之孫禎之靜之從祖肇夏馥烈芬

皆祥之子裁基會彥琛皆覽之子丞相導即裁之子世居烏衣巷衣冠為江左第一

王琨

導之孫華從父

王渾

弟湛子濟從子澄

宗室承

子無忌孫恬

楚之

兄休之

王濬

子鑒濤孫戲

唐彬

周浚

子顯 萬謨
孫閔 恬 順

周馥

從兄浚
子密 矯

謝鯤

子尚 孫康
曾孫肅

謝安

尚從弟子琰
孫該 謨 澹

謝奕

尚從弟子
泉 靖 玄

謝玄

父奕子瑛
孫靈 運

謝萬

安弟子韶 兄子朗
孫恩 曾孫曜 弘 微

謝石

萬弟子汪
孫明 慧

謝邈

石弟鐵
之子

謝琰

父安子
肇 峻 混

王承

父湛子述 孫
坦 之 楫

王坦之

子愷 忱
愉 國 寶

陶侃

子瞻 曾
孫潛

山簡

父濤

衛玠

祖瑾
父恒

鄧攸

弟綏

周訪

子撫

顏含

子髦

應詹

祖璩子

劉波

父隗

劉劭

隗從孫族

范廣

弟稚子汪孫康

華恒

父應子俊

關

父統弟惇子

劉眈

子柳

何充

弟準姪放悛

孔愉

子閭汪安

江逋

父濟弟灌

徐邈

弟廣子

王雅

子準之協之

闕伯子璿

杜夷兄菴弟援
子晏姪潛

孔衍孔子二十二世孫
子啓宗人夷吾

高悝子崧
孫耆

庾闡子肅
之

李充父矩子顯
從兄式

伏滔子系
之

胡母輔之

畢卓

陳訓

戴洋

郭璞子騫

溫嶠父瞻兄羨子
放之式之

劉恢

范堅兄廣
子啓

杜乂

父預

褚翼

翼從兄
子希

褚裒

父洽子歆孫爽曾
孫秀之炎之喻之

王濛

曾祖黯子脩
蘊蘊子恭爽

王遐

子怡臻孫
欣之歡之

王嶠

祖默族父永
子淡孫度世

卞壺

子瞻盱瞻
眺孫誕

羊曼

祖祐
子賁

阮孚

父咸

郗鑒

子惔曇
曇子恢

郗超

父惔弟
子僧施

庾亮

父璆子彬羲
弟冰懌翼條

庾冰

七子希襲友蘊倩
逸柔孫叔宣廓之

庾翼

子爰之方之

孫盛

祖楚父恂子潛放

戴淵

父昌弟遜遜子謐

王隱

桓彝

子溫雲豁秘沖

桓溫

子玄

桓豁

子二十人皆以石名石虔石秀石民孫誕洪

桓景

族兄宣弟不才子伊孫肅之

鍾雅

子誕

劉超

子納孫亨

蔡謨

子邵系

吳隱之

子曠之延之

顧悅之

子愷之

阮放

字族之子晞之

阮裕

兄放子普闕孫歆之腆萬齡

袁瓌

弟猷子喬孫方平曾孫山松
猷子勗孫宏宏子朗朗子關

袁準

瓌族人子冲孫耽
曾孫質質子湛豹

朱序

父燾

魯勝

郭文

關

荀邃

祖勗父關
弟闓子汪

荀組

兄藩
子奕

荀崧

曾祖或父顧子
勗義從子序獻

孫綽

父楚兄統子
嗣統子騰登

刁協

子彞

韓階

武延

桓雄

許儒

祖勛
父延

陳顏

毛寶

子穆之孫璩球瑾
曾孫修之祐之

光逸

桓宣

族兄
景

張憑

傅敷

父咸
弟晞

夏侯承

伯湛
父淳

羊曇

殷浩

父承

周導

何謙

戴逵

李式

父重

虞敷

父溥

謝沈

習辟彊

父鑿
齒

車胤

何無忌

檀憑之

孟昶

殷覲

劉鯈

范輯

父宣

曹毗

羅含

郭澄之

辛恭靖

羅企生

弟運
生

孔祗

兄愉

孔羣

從兄愉子沈孫
徽曾孫琳之

孔坦

祖沖父侃愉
從子弟嚴

嵇翰

從祖紹
孫曠

楊方

王慧龍

祖愉
父緝

張緯

阮韶之

朱綽

毛璩

祖寶

毛安之

父寶子潭
泰遠遁

扈謙

封爵

戴淵秣陵侯

王俊永世侯

宋

劉氏

郡姓

游宦附

宗室義慶

宏

懷肅

懷慎

弟亮子榮祖

王弘

曾祖導孫思遠曾孫融
玄孫冲冲子瑒從孫瞻

王微

伯父弘父孺兄遠
弟僧謙從子僧祐

王華

王僧達

王曇首

兄弘子僧綽孫儉曾
孫騫陳玄孫規承訓

王僧虔

兄僧綽子志
彬筠孫泰

王惠

曾祖導

王球

父謚從子或從孫蘊

王銓

或兄子份之孫弟錫食勸固

王裕之

曾祖廙子瓚之孫秀之延之曾孫綸之峻玄孫昕

王悅之

祖獻之

王淮之

曾祖彪之玄孫猛從弟逵之珪之

王鎮之

裕之從祖弟自王弘以下皆丞相導之族

謝瞻

曾祖裒從父純從叔澹弟晦

謝璟

子微

謝靈運

祖玄子超宗孫幾卿

謝述

兄裕子
緯孫眺

謝方明

子惠連

謝超宗

謝蘭

八世祖
安子貞

謝密

曾祖萬子莊孫肱顯淪曾孫諲覽
舉玄孫蝦僑自瞻以下皆安之族

沈演之

高祖
充

沈慶之

子文叔孫
昭明昭畧

沈攸之

慶之從兄
子孫僧昭

沈懷丈

祖寂從兄曇慶弟
懷遠子淡深沖

沈淵子

弟田子林子虔子子正姪煥亮邵璞
伯玉自演之以下並出吳興武康

陸修靜

父琳

朱齡石

父綽弟
超石

司馬筠

子壽

司馬燮

子裴

司馬曷

子延義

傅和之

曾祖咸子
淡孫昭映

傅迪

高祖咸
族子隆

賀瑒

曾祖循祖道方伯道
養父損子革季姪瑒

顧琛

曾祖和

顧協

和六
世孫

朱脩之

祖序

劉敬宣

父牢之

范泰

父寧子曄
族人璩

范雲

范縝

范胥

孔靖

祖愉

孔靈符

之姪琇

孔琳之

子邈

殷景仁

從弟淳
淳孫臻

蔡廓

曾祖謨子興宗孫
順約搏搏孫凝

張裕

曾祖澄子演鏡永辯岱弟
邵姪敷孫緒充瓌姪孫冲

張暢

父律叔
邵子融

羊欣

弟徽

羊玄保

姪崇

殷孝祖

曾祖
羨

江夷

子湛從子智深曾孫敷
玄孫舊曇祿藩子紉

荀伯子

祖羨

徐豁

父邈

劉康祖

父虔之伯父
簡之謙之

劉簡之

子道產
延孫

劉穆之

姪秀之
欽之

徐孝嗣

父羨

毛惠素

王玄謨

從弟玄
邈子寬

蒯恩

向靖

孟懷玉

弟龍符
孫係祖

孟倫之

蕭思話

子惠基惠開孫眎素洽介
曾孫允引從孫琛琛孫密

到彥之

子元度仲度曾孫沆
溉洽溉子鏡鏡子蓋

垣護之

弟詢之從子崇祖
崇祖從孫曇深

張興世

鄭鮮之

裴松之

子駟孫昭明
曾孫子野

何承天

孫闕曾

顧凱之

姪愿

柳元景

弟慶遠
姪世隆

劉勔

子峻繪瑱孫孺覽遵孝
綽潛從子苞曾孫諒

吳喜

劉藻

六世祖遐

王褒

劉昶

徐謩

兄丈伯

庾仲遠

高祖冰弟道愍從子仲容

庾沙彌

冰之後
子持

顧憲之

父覲

丘巨源

王智深

劉昭

九世祖寔伯父彤子緇緩

阮彥之

子孝緒

周韶

阮韜

徐湛之

臧質

魯爽

弟秀

朱循之

顏師伯

周朗

雷次宗

子肅之

周續之

兄子景遠

檀道濟

鮑照

欽定四庫全書

孟子卷十三上之上

何尚之

充之後子偃孫戴求
點肩曾孫撰姪孫炯

何昌寓

尚之弟子
子敬容

張永

陸徽

子杲煦
孫闕

江秉之

逋之
孫

薛安都

劉凝之

戴法興

阮佃夫

孔顗

孔翁歸

孔廣

孔逵

孔淳之

弟默
之

孔嗣之

皆魯國人
居山陰

宗越

譚金

童太一

黃回

鄧琬

劉胡

臧燾

弟熹曾孫寅嚴
未甄玄孫眉殿

袁淑

父豹兄子顗
宗人鄒之

袁象

淑從孫

袁粲

子最

袁昂

父顗子君正
敬泌孫樞憲

顏延之

曾祖含
子峻測

胡藩

王仲德

夏侯恭叔

莫嗣祖

申恬

傅弘之

斐景仁

劉鍾

虞丘進

丘仲起

吉翰

徐道度

子嗣伯丈
伯孫雄

虞騫

江避

范懷約

謝善勛

韋仲

江邃之

宗慤

從子
央

庾萼

姪果之

孫謙

虞通之

虞龢

司馬憲

袁仲明

祖沖之

曾祖含之子
暉之孫皓

卜天與

父祖子伯
崇伯興

張弘之

朱道欽

陳滿

何子平

吳慶之

戴顓

父遠

蔡薈

沈麟士

山謙之

虞愿

孫詵

吳苞

封爵

齊

蕭氏

郡姓

附游宦

宗室道度

太祖兄以
鈞為後

道生

太祖次兄子鳳鸞鸞即明帝鳳
子遙光遙欣遙昌遙欣子幾

緬

慧基

父思話子洽
孫介從孫璵

嶷

子子恪子範子顯子雲子暉子範
子滂確乾子顯子序愷子雲子特

赤斧

子穎
穎達

映

晃

畢

鋒

鑑

鏗

子良
孫賁

子隆

子罕

劉係宗

劉懷慰

父懷珍子霽
香歆從子訐

劉瓛

六世祖懷兄璉弟璉
從弟驥從子顯毅

劉善明

懷珍族弟兄法
護從弟僧副

劉元明

劉玄明

劉渢

弟渢

劉休

劉祥

陶弘景

祖隆父貞
姪松喬

劉靈哲

父懷珍
從叔峻

陶季直

祖愍祖
父景仁

蕭坦之

蕭贊

蕭誕

蕭懿

父順之弟衍
即梁武帝

蕭文琰

紀僧真

弟僧
猛

李安民

子元履

李珪之

曹世宗

父武

周山圖

周盤龍

子奉叔

周顥

七世祖顥子捨孫弘
正弘讓弘直曾孫確

周洽

王廣之

子珍國

王謏

高祖雅從叔

王慈

王擒

王沈

王斌

王洪軌

王敬則

王玄載

崔祖思

叔父景真
子元祖

崔慰祖

蘇侃

明僧紹

兄僧嵩
弟慶符

明山賓

父僧嵩兄元琳
仲璋子震克讓

孔休源

八世祖沖
子雲章

孔暹

孔琇之

何佟之

高祖
憚

何憲

張瓌

弟盾卷
子率

張敬兒

王肅

丞相導之
後父真

顏見遠

含六世孫子協
孫之儀之推

沈文季

兄子昭畧

沈憲

柳世隆

子悅懷
惲澄忱

柳叔夜

褚球

哀之後

褚淵

哀玄孫子貢
孫向曾孫翔

褚澄

兄淵從弟昭炫
炫子雲雲孫玠

褚伯玉

鍾岏

弟嶸
興

蕭懷

沈瑀

子續

房叔安

戴僧靜

桓康

焦度

虞悰

虞玩之

崔惠景

陸澄

陸慧曉

高祖玩子僚任倅
孫繕緬曾孫賢

陸閑

慧曉兄子子厥絳完稟孫雲
公曾孫瓊琰瑜玠玄孫從典

蔡仲熊

蔡約

蔡道恭

子僧
總

江重

江洪

江泌

有二父
亮之

丘國賓

丘師施

丘靈鞠

子遜從孫仲孚

丘冠先

子雄

丘令楷

杜驥

杜栖

杜京產

甄匡

傅琰

父僧祐子翹孫岐

范述曾

檀超

叔父道鸞

卞彬

壺之後

江柔之

車僧朗

魯康祚

樂預

兄顧之

顧歡

顧昌衍

呂定國

賈淵

祖弼之父匪之

薛淵

裴叔業

裴昭明

宗測

臧榮緒

徐伯珍

邵榮興

吳達之

封爵

梁 蕭氏

郡姓

附游宦

宗室景

子勵勸勵
勃弟昱

懿

武帝兄子葉
藻孫孝儼

敷

象

父融

秀

子推

偉

子恪恭
孫靜

恢

子脩該
孫嗣

瞻

子映
曄

績

子乂
理

瓘

父綸

撝

祗

父偉
放

泰

父恢

慨

祖恢

圓肅

父紀

大圜

簡文
帝子

哀太子大器

簡文
帝子

忠烈世子方等

元帝
子

紀少瑜

陶子鏘

父延
尚

丁咸序

張松

張惠紹

子登

張弘策

子緬
續館

張崖

張譏

鄭紹叔

鄭灼

馮道根

夏侯詳

子 覽 變

康絢

馬仙理

韋叡

子 放 稜 黥 孫 聚 載 鼎

裴邃

子 之 禮 之 高 之 平 之 橫

任昉

裴政

祖 邃

任孝恭

馬樞

江淹

江子一

七世祖統弟 子四子五

江革

父 柔 之 弟 觀 子 德 藻 孫 椿 魚

張稷

兄 瓌 子 嶠 畢

孔稚珪

孔僉

孔子祛

王僧孺

曾祖雅

王神念

子僧辯
孫頌

王僧辯

子頌

王茂

王琳

王子雲

王操

徐勉

徐摛

子陵孝克
孫儉份儀

徐之才

祖丈伯父雄弟
之範子林同卿

徐夤

徐伯陽

許懋

五世祖
詢子亨

殷鈞

五世祖
仲堪

殷芸

范岫

高祖宣

范雲

六世祖汪從兄
續續子胥

鮑幾

子泉孫
儉至正

鮑宏

父幾

鮑行卿

王褒

高祖儉祖騫
父規孫方慶

羊侃

子鯤

羊鴉仁

兄子
海珍

陰子春

陰鏗

庾信

父肩
吾

庾黔婁

弟於陵
肩吾

庾丹

庾域

子興

明克讓

父山
賓

沈約

父璞子
旋趨

沈顥

叔祖
演之

沈浚

演之族
人祖憲

沈峻

子文
阿

沈德威

沈恪

江泌

柳敬禮

祖慶
遠

柳琰

柳謩

祖愜

柳遐

從祖元景父
季遠子靖莊

劉沼

六世
祖興

劉勰

劉之遴

弟之
亨

劉孝孫

劉文紹

劉臻

父顯

劉臧

子瓊璠孫
祥行本

卞華

六世
祖壺

何思澄

子朗宗
人遜

何遠

何之元

蕭叡明

蕭濟

朱昇

子容
密

伏曼容

子挺
捶

淳于量

父文
成

傅颺

子岐

孟智臨

曹景宗

席闡文

吉士瞻

吉盼

楊公則

父仲懷
子肱

鄧元起

羅研

昌義之

呂僧珍

樂藹

子法才

虞義

虞僧誕

陳慶之

子昕

胡僧祐

杜蒯

姪龜

杜之偉

顧野王

郭祖深

嚴植之

崔靈恩

盧廣

太史叔明

皇侃

祖九世象

戚袞

宋懷方

陸詡

賀文發

子淹孫德基

全緩

顧越

龔孟舒

袁峻

周興嗣

吳均

費昶

岑善

褚仲都

子脩

李慶緒

蔡大寶

父默

袁敞

祖聚父士俊

岑善方

父昶

宋如周

樊文皎

闕
該

封爵

杜龕
溧陽侯

陳

陳氏

郡姓

游宦附

宗室伯茂

伯山

叔慎

伯恭

伯智

叔英

叔卿

叔獻

叔齊

叔闕

叔達

嶷

太子胤

深

周文育

周鐵虎

侯瑱

侯安都

杜稜

章昭達

吳明徹

徐度

程靈洗

子文季

蕭摩訶

子世庶

樊毅

叔父皎弟猛

魯悉達

弟廣達

趙知禮

闕景歷

子微

毛喜

傅縡

阮長之

顏晃

阮卓

殷不害

弟不倭

朱容

弟密

許善

闕父字

徐儀

父陵

王胄

祖筠

庾自直

父持

孔奐

曾祖琇之宗人範

張種

永從孫弟稜

張稚才

沖子

江總

父紇

徐孝克

兄陵

孫瑒

胡穎

徐世譜

荀朗

周炅

楊孝辯

陳智深

陳禹

袁元友

宗元饒

沈君理

叔邁弟
君高

沈炯

虞荔

弟寄子世
基世南

章華

沈洙

王元規

張正見

任忠

姚察

駱文牙

司馬申

蕭引

子德言

阮颺

封爵

隋

楊氏

郡姓

諸葛穎

祖銓父規
子嘉會

耿詢

王通

肅之
曾孫

庾季才

八世祖
父曼倩

姚僧坦

八世祖
信父菩提
子察最孫思廉

何妥

沈重

柳莊

周羅暉

虞綽

潘徽

張仲

陸知命

父教

徐則

麥鐵杖

許智藏

祖道幼父
景宗人登

劉祥

從弟
行本

游宦

韓洪

兄擒
虎

王韶

達奚明

高頴

封爵

唐

李氏

郡姓

蕭瑀

梁王訥之後從子鈞鈞子
瑑瑑子嵩嵩子華孫復

蕭德言

父引

蕭倣

華從子
稟

蕭邁

復曾
孫

蕭定

瑀曾
孫

蕭昕

族人穎士
皆恢之後

陳叔達

王珪

祖僧辦

王弘直

導十一世孫
緦子方慶

王搏

後緦之

王紹宗

王無競

並緦族

王丘

祖寬

王勃

後肅之

王昌齡

王嶼

昌齡從弟
六世祖緦

虞世南

父荔兄
世基

姚思廉

本名簡
父察

溫大雅

嶠之後
弟彥傳

徐文遠

五世祖孝
嗣子有功

顏師古

祖含

劉允濟

祖歊

劉三復

子鄴

劉太真

高智周

兄長生

褚亮

亮之後曾祖湮父玠子遂良

李靖

雍之後從子昭德

朱仁軌

弟敬則族祖綽

顏真卿

師古五世從孫

袁朗

漢司徒滂之後父樞從弟承家承序

袁滋

憲之後

袁敬孫

朗從弟

陸元朗

字德明

許叔牙

張常洧

兄孫琢

許淹

史務滋

殷遙

陶大舉

曾祖明曠祖昱父瓚兄大有

桓彥範

彥之後九世祖伊

殷開山

殷踐猷

不害五世從孫從父仲容弟季友從弟承業孫亮

柳沖

子莊

柳識

祖愔

洪遜

崔芋

游宦

盧祖尚

王通

竇叔向

子牟

白季康

陸該

祖象先

岑仲休

弟植

柳均

李寂

李神福

鄭晏

楊於陵

楊延嘉

孟郊

李白

河間王孝恭

盧承度

崔宗之

秦系

吳筠

杜甫

王昕

吳令璿

喬翔

張雄

馮弘鐸

顧況

許嵩

宋隣

韋渠牟

封爵

杜伏威吳王

史務滋溧陽侯

顏真卿丹陽縣子楊行密吳王

徐溫齊國公

南唐

李氏

郡姓

邊鎬

睦昭符

盧郢

王建

朱存

史寔

游宦

宗室景遂

景達

景暹

弘茂

仲寓

宋齊丘

劉仁贍

子崇讚
崇諒

韓熙載

徐鉉

弟錯

嚴可求

子續

周宗

查文徽

子元方
孫道陶

張延翰

刁彥能

子衍
曾孫約

常夢錫

徐知諤

父溫

徐游

父知誨

潘佑

周鄴

瑜之後父
本弟祚

柴克宏

父再用

張易

何敬洙

馬仁裕

游簡言

郭昭符

伍喬

蕭儼

張知白

孫忌

名鳳又名
晟子魯嗣

馬承信

弟承俊

鍾蒨

張雄

封爵

李建勲鍾山公

宋趙氏

郡姓

查道

祖文徽
兄陶

侍其瑞

徐鉉

秦傳序

子爽

秦梓

子煇
孫城

秦檜

子燾
孫鉅
子垕
堪
曾

李琮

子回
孫畧
耕八

俞橐

子焯
弟棠
從子淦

魏良臣

潘溫之

錢戩

子時敏

錢周材

李華

子朝正

吳柔勝

子淵潛

潘祺

閻彥昭

子晃昂嚴孫一德

刁衍

胡恢

鍾輻

唐文濟

高審思

史虛白

孫溫

陳況

陳誨

弟謙子德誠

陳喬

父濬

尚彥

朱令贊

從父業

朱匡業

子崇俊

王崇文

父綰

王興

鍾離令

喬匡舜

申屠令堅

廖居素

高越

子遠

盧文進

李德誠

子建勲

李金全

馮延巳

弟延魯延魯子俱侃儀价仇

樂史

張義方

皇甫暉

江文蔚

歐陽廣

廖偃

彭師曷

林仁肇

盧絳

鄭文

李貽業

李元清

段處常

康仁傑

劉洞

汪台符

吳思道

侯仲遣

夏錫

徐時升

陳克

朱舜庸

史思賢

秦憲

王綸

馮玠

父延魯

趙公彬

宋宗室

沈端節

子灼
煇 炤

胡澄

宗愈從
曾孫

張瓌

祖洎

王端朝

潘彙征

邵必

游宦

曹彬

子璨 珙 璋
玢 珣 琮

潘美

李繼隆

呂蒙正

叔父龜祥
孫夷簡

賈黃中

蘇易簡

胡旦

張詠

王益柔

馬亮

薛映

雷有終

薛顏

王隨

李迪

張士遜

李若谷

葉清臣

劉沆

張方平

包拯

梅摯

馮京

呂溱

吳中復

沈起

傅堯俞

劉庠

熊本

黃履

陸佃

曾肇

徐勣

唐介

楊察

孫甫

沈邁

田況

程顥

蘓頌

范仲淹

子純
仁

陳靖

呂夏卿

周邦彥

元絳

張商英

錢公輔

盛京

張奎

彭思永

沈立

王漢之

蔣堂

邵亢

陳軒

陳繹

蘇軾

米芾

子友
仁

梅堯臣

余靖

張耒

鄭俠

韓駒

李及

王琪

葉祖洽

王安石

父益兄安仁安道弟安國
安世安禮安上子雱孫棟

王旂

父安國
弟游

王崇

查詠之

羅彥輔

李亘

鄭驤

徐端脩

子大
觀

呂希常

夷簡
族孫

呂宣問

四世祖蒙
正父希圓

崔敦詩

兄敦禮

楊時

李綱

呂頤浩

張浚

劉光世

岳飛

張俊

韓世忠

楊邦乂

李顯忠

趙鼎

王德

子琪珙

趙彥

王稟

張燾

呂祉

陳俊卿

劉珙

洪遵

范成大

周必大

陳亮

張孝祥

父祁

尹起莘

真德秀

葉適

虞允文

趙葵

子潛
姪淮

杜杲

子庶

葉夢得

向子恣

程大昌

汪大猷

王信

楊告

方楷

曾孫滋五
世孫叔恭

韓元吉

姚興

趙壘之

潘振

盛新

王瑋

李光

丘崇

黃度

史正志

馬光祖

子之純

徐敏子

李處全

從子柄

劉岑

陳已

汪立信

吳草

楊備

石邁

張敦順

吳彥夔

吳琚

趙廓夫

張侶

盧襄

家彬

韓仲通

蕭之敏

余巖

許俊

夏友諒

關杞

周邠

張革

章籍

姚耆宗

蘇楷

李衡

陳嘉善

司馬僖

方仲恕

吳友聞

湯詵

史彌鞏

衛杜

董槐

董烈

陸子通

周應合

周成之

曾極

陳巖

文天祥

鄧光薦

陳鉞

文復之

劉虎

從弟
師勇

阮思聰

呂文德

弟文煥
文福

王鑑

王福

鄭進

封爵

仁宗昇王

吳淵金陵侯

秦堪建康郡侯

錢時敏溧陽伯

李朝正溧陽男

至大金陵新志卷十三上之上

欽定四庫全書

至大金陵新志卷十三上之中

元 張鉉 撰

人物志 二

列傳

孝悌

王祥字休徵臨沂人性至孝繼母朱氏不慈每使掃除
牛下祥愈恭謹父母有疾衣不解帶湯藥必親嘗母嘗

欲生魚時天寒水凍祥解衣將剖冰求之冰忽自解雙
鯉躍出母又思黃雀炙忽有黃雀數十飛入其幕鄉里
驚歎以為孝感所致有丹柰結實母命守之每風雨祥
輒抱樹而泣其篤孝純至如此漢末遭亂避地廬江隱
居三十餘年母終居喪毀瘠杖而後起徐州刺史呂虔
檄為別駕固辭覽勸之乃應召累官至太常天子幸太
學命祥為三老祥南面几杖以師道自居天子北面乞
言晉武踐阼拜太保進爵為公大事皆諮訪之以子肇

為給事中使常優游定省祥疾篤遺令訓子孫曰言行可覆信之至也推美引過德之至也揚名顯親孝之至也兄弟怡怡宗族欣欣悌之至也臨財莫過乎讓此五者立身之本其子皆奉而行之薨年八十五諡曰元弟覽繼母朱所出也年數歲時見祥被母楚撻輒涕泣抱持至于成童每諫其母少止凶虐母屢以非理使祥覽輒與祥俱又虐使祥妻覽妻亦趨而共之母密使酖祥覽知徑起取酒祥疑其有毒爭而弗與母遽奪反之自

後母賜祥饌覽輒先嘗母患之遂止覽亦篤行著聞應
召累官至太中大夫薨年七十三諡曰貞祥五子肇夏
馥烈芬覽六子栽基會正彥琛皆至大官封侯丞相導
即栽之子世居烏衣巷衣冠之盛為江左第一

舊志記
祥墓在

今江寧縣
化成寺北

盛彥字翁子廣陵人少有異才八歲詣太尉戴昌昌贈
詩彥於坐答之辭甚慷慨母王氏因疾失明彥每言及
未嘗不流涕于是不應辟召躬自侍養母食必自哺之

母病既久至于婢使數見捶撻婢忿恨伺彥暫行取蟻
螯炙飴之母食以為美然疑是異味密藏以示彥彥見
之抱母痛哭絕而復蘇母目豁然即開從此遂愈彥後
仕吳為中書侍郎

孟宗字子恭江夏人性至孝幼從南陽李肅學其母為
作厚襦大被人問其故母曰小兒無德致客客多貧故
為廣被庶可得氣類相接宗讀書夙夜不懈肅奇之曰
卿將相器也及長為驃騎朱據軍吏將母在營既不得

志遇夜雨屋漏因泣以謝母母曰但當勉之何當泣也
後據稍知之除鹽池司馬能自結網捕魚作鮓寄母母
使送還曰汝為魚官而以鮓寄母非避嫌也尋遷吳縣
令時不得將家之官宗在官每得新物未寄母不先食
之及母亡時禁長吏不得奔喪宗犯禁奔喪既而詣武
昌請拘大將軍陸遜表陳宗孝行請于帝特令降罪母
性嗜笋冬節將至宗乃入竹林泣笋為之生得以供祭
累遷光祿勳御史大夫後主即位宗避諱改名仁官至

司空

顏含字弘都

即宋延之曾祖唐真卿之十四世祖自含而下七世墓皆在建康

少有操

行以孝友聞兄畿咸寧中得疾就醫死于醫家家人迎喪旒每繞樹而不可解引喪者顛仆稱畿言曰我壽命未死但服藥太多傷我五臟耳今當復活慎無葬也其父祝之曰若爾有命復生豈非骨肉所願今但欲還家不爾葬也旒乃解及還其婦夢之曰吾當復生可急開棺婦頗詫之其夕母及家人又夢之即欲開棺而父不

聽舍時尚少乃慨然曰開棺之痛孰與不開相負父母
從之乃共發棺果有生驗以手刮棺指爪盡傷然氣息
甚微存亡不分飲哺將護累月猶不能語飲食所須託
之以夢闔家營視頓廢生業雖母妻不能無倦舍乃絕
棄人事躬親侍養足不出戶者十有三年石崇重舍淳
行贈以甘旨謝而不受或問其故答曰病者綿昧生理
未全既不能進噉又未識人惠若當繆留豈施者之意
也舍二親既終兩兄繼沒次嫂樊氏因疾失明舍課勵

家人盡心奉養每日自嘗省藥饌察問息耗必簪屨束帶醫人疏方應須蚘蛇膽而無由得之含憂歎累時忽有一青衣童子年可十三四持一青囊授含開視乃蛇膽童子逡巡出戶化青鳥飛去得膽藥成嫂病即愈由是以篤行著名本州辟不就晉元帝命為參軍東宮初建補太子中庶子遷黃門侍郎本州大中正歷散騎常侍大司農豫討蘇峻功封西平縣侯拜侍中國子祭酒加散騎常侍遷光祿勳以年老遜位就加光祿大夫門

施行馬賜牀帳被褥勅太官四時致膳不受郭璞嘗遇
舍欲為之筮舍曰年在天位在人修已而天不與者命
也守道而人不知者性也自有性命無勞著龜拒溫求
婚于舍舍以其盛滿不許惟與鄧攸深交或問江左羣
士優劣答曰周伯仁之正鄧伯道之清卞望之之節餘
則吾不知也其雅重行實抑絕浮偽如此致仕二十餘
年卒年九十三遺命素棺薄斂諡曰靖喪在殯而隣家
失火至喪所而滅僉以為淳行所感

三子髦歷黃門郎
侍中光祿勳諡至

安成太守約零陵
太守並有聲譽

吳隱之字處默濮陽鄆城人魏侍中質六世孫年十餘
歲丁父憂每號泣行人為之流涕事母孝謹執喪哀毀
過禮家貧無人鳴鼓每至哭臨時恒有雙鶴警叫及祥
練之夕復有羣雁下集時人咸以為孝感所致嘗食鹽
菹以其味旨掇而棄之與太常韓康伯隣居康伯母殷
浩姊賢明婦人也每聞隱之哭聲輟飧投筯為之悲泣
謂伯曰汝若居銓衡當舉如此輩人及康伯為吏部尚

書隱之遂階清級兄坦之為袁真功曹真敗將及禍隱之詣桓溫乞代兄命溫矜而釋之遂為溫知賞拜奉朝請尚書郎累遷晉陵太守在郡清儉妻自負薪入為中書侍郎守廷尉祕書監御史中丞領著作遷左衛將軍雖居清顯祿賜皆班親族冬月無被嘗澣衣乃披絮勤苦同於貧庶廣州珍異所出前後刺史多黷貨敗官朝廷欲革其弊以隱之為刺史未至州二十里有水曰貪泉時謂飲之者懷無厭之欲隱之至泉所酌而飲之賦

詩曰古人云此水一軟懷千金試使夷齊飲終當不易
心在州清操愈厲常食菜及乾魚帷帳器服皆付外庫
元興初賜錢五十萬穀千斛進號前將軍廬循寇南海
隱之固守長子曠之戰沒歸日裝無餘資妻劉氏齋沈
香一斤隱之見之投于湖亭之水及至家籬垣仄陋內
外茅屋六間不容妻子劉裕賜車牛更為起宅固辭卒
贈左光祿大夫加散騎常侍子延之復厲清操子孫為
郡縣者常以廉慎為家法云

蕭統字德施梁武帝長子母丁貴嬪以齊中興元年九月生于襄陽天監元年十一月立為皇太子五年出居東宮生而聰慧三歲受孝經論語五歲徧讀五經性仁孝自出宮常思戀不樂帝知之每五日一朝多便留永福省或五日三日乃還宮八年九月于壽安殿講孝經盡通大義講畢親臨釋奠于國學普通七年十一月母丁貴嬪有疾朝夕省侍衣不解帶及薨步從喪還宮至殯漿不入口每哭輒慟絕武帝勅中書舍人顧協宣旨

曰哀不減性聖人之制不勝喪比于不孝有我在那得
自毀如此可即強飲粥太子奉勅乃進數合自是至羹
日進麥粥一升武帝又勅勸逼終喪日止一溢不嘗菜
果之味腰帶十圍減削過半每入朝士庶見者莫不下
泣自加元服帝便使省萬機內外百司奏事填塞太子
明察所奏誤妄皆即辨析示以可否徐令改正未嘗彈
糾一人平斷法獄多所全宥寬和容衆喜愠不形於色
引納才學之士賞愛無倦嘗自討論墳籍日與學士商

確古今繼以文章著述率以為常焉時東宮有書幾三萬卷名才並集文學之盛晉宋以來未之有也性愛山水於玄圃穿築更立亭館嘗與朝士泛舟後池番禺侯軌盛稱此中宜奏女樂太子不答詠左思招隱詩云何必絲與竹山水有清音軌慙而止出宮二十餘年不蓄音聲未薨少時勅賜太樂女伎一部畧非所好普通中大軍北侵都下米貴太子命菲衣減膳每霖雨積雪遣腹心左右周行閭巷視貧困家及有流離道路以米密

加賑賜人十石又出主衣絹帛多作襦袴冬月以施寒者不令人知若死亡無可斂則為備棺槨每聞遠近百姓賦役勤苦輒斂容變色常以戶口未實重于勞擾吳郡屢以水災不熟有上言當漕大瀆以瀉浙江詔遣前交州刺史王奕假節發吳吳興信義三郡人丁就役太子上疏曰吳興累年失收人頗流移吳郡十城亦不全熟唯信義去秋有稔復非常役之民即日東境穀價猶貴劫盜屢起所在有司皆不聞奏今征戍未歸強丁踈

少比得齊集已妨蠶農不審可得權停此功帝優詔喻
馬太子孝謹天至每入朝未五鼓便守城門開東宮雖
燕居內殿一坐一起常向西南面臺宿被召當入危坐
達旦三年三月游後池溺而得出因動股疾恐貽帝憂
深誠不言武帝勅看問輒自力手書及稍篤左右欲啓
聞猶不許曰云何令至尊知我如此惡因便鳴咽四月
乙巳暴惡馳啓武帝比至已薨時年二十一帝臨哭盡
哀詔斂以袞冕諡曰昭明吁仁孝如統而不得其壽君

子知梁之不能永矣幽而為神廟食百世宜哉

呂宣問字季通開封人宋文穆公蒙正之四世孫徙居
溧陽父希圓紹興甲子倅洋州妾韓氏生宣問甫六歲
辭去莫知所之父卒母李氏獨在宣問既長將訪所生
以池陽當蜀人往來通道乃求調錄事叅軍凡蜀客經
從必託使物色存否臨滿秩而仙井兵楊俊報之曰韓
氏在彼時李氏已老無他男宣問不可捨李氏而遠涉
亟調峽州推官欲益近蜀至之次年被檄如荆門過當

陽王泉寺寺側武安王廟求夢而應果得其母于仙井

邑人于廟求夢多驗宣問謁焉是夕夢至廟中見一道人坐井上曰此琉璃井也有童子持一龜與之宣問悟曰道人臨井上仙井也龜者歸也遽遣迎致果得之云時紹熙庚戌相失四十餘

年母子復如初相持悲泣吏卒為之出涕李氏時年八

十三韓亦七十矣

洛陽吳仁傑斗南賦詩美之詳見夷堅志

宣問尋改秩知

蘄春縣

陶子鏘張松張常洧徐鉉李華潘祺錢戩各見後者舊

傳

孝子伊小乙者溧水人乾道戊子歲剖腹出肝以療母疾溧水令陳嘉善聞于朝旌其里曰孝事具前志今大德己亥二月保寧街顧童者縣民顧四郎之子年始十六母吳染疾困篤不起者數日童乃籲天引刀剖腹取肝雜粥藥以進母即甦翌日童子病又一夕竟死時三月三日也郡司謂其違理行孝抑不以聞君子曰傷哉顧童之殞也夫身也者親之枝也傷親之枝如自戕其本何然而童子易為之其亦質美而不知學之蔽哉然

其一念之誠哀恫迫切通于神明聞童子垂殆之日天

大雨震電里巷晦冥童子死二十有三年而母吳以壽

終豈天亦有悔報以是哉其事與伊小乙相類故通著

於篇云

溧水志淳熙九年筮橋市夏氏女沈四郎妻也取肝以療母疾知縣王衍申府改里為顯孝里

坊名顯孝坊以旌之嘉定四年表孝坊居民劉興祖割股以療父疾愈而復作剖腹取肝和糜以進遂有更

生之喜知縣湯誅嘉歎厚為之餽咸淳元年思樂鄉陳氏女割股以療母疾權關趙孟僚餽以錢米仍免租

稅咸淳間李氏女年十三割左股以療母疾又關龍判股以療母趙氏閨靈疾又謝氏小女亦割

股以療母疾又李震龍婦趙氏因祖母牛氏有疾割股以療之又山陽鄉謝千九割股以療父疾知縣周成之

一一厚加旌餽潞陽志闕五年史忠賢母芮氏有疾思賢夜焚香拜神將封取心療母橫匕首香爐上祈神允許必須獲兩全有一不免則不敢自殘懸立匕首於神前以示感格如是累夜虔禱不怠一夕拜神夜已參半匕首忽自立空中思賢孺自刺揣探其心如拇許割取之熟以進母未幾母疾果愈其事聞于縣知縣方楠旌餽酒綢闕王弟兒闕王德先何百四皆田野間小民嘉定十闕以母久病封股肉療母獲愈知縣陸手闕準格旌餽小民能如此固可嘉獎王弟兒其年方十五其事又最難非有所慕倣而為之尤可也稱

傅霖者江寧縣

闕

鄉秣陵鎮人孝行純篤霖方居喪

晝夜哀哭奠後廬于墓所寢處苦塊知縣以聞至

闕

部擬旌表門閭

節義

張悌字巨先襄陽人少有名理諸葛瑾薦于吳大帝累遷長水校尉景帝立除軍師將軍永安五年蜀以魏見伐來告帝召羣臣議于前殿曰司馬氏得政以來大難屢作智力雖豐而百姓未服竭其資力遠征巴蜀兵勞民疲而不知恤敗于不暇何以能濟昔夫差伐齊非不尅勝所以危亡者不憂其本況彼之事地乎悌對曰以

臣愚料則不然曹操雖功蓋天下威震四海崇詐仗術
征伐無已民畏其威不懷其德丕叡承之繼以躁虐內
興宮室外拒雄豪東西馳騁無歲獲安彼之失人為日
且久司馬懿父子自握其柄累有大功除其煩苛而示
平惠為之謀主以救其疾民歸之亦已久矣故淮南三
叛而腹心不擾曹髦之死而四方不動摧堅敵如折枯
蕩異國如反掌任賢使能各盡其心非智勇兼人孰能
如此威武張矣本根固矣羣臣伏矣奸計立矣今蜀閹

官專朝國無政令而玩戎黷武民勞本弊強弱不同殆其必尅乎若不尅不過無功終無奔北之憂覆軍之慮昔楚劍利而秦昭懼孟明用而晉人憂彼之得志我之大患也左右皆嗤之其冬蜀果亡後主皓以悌為丞相總兵南討廣州反者郭馬戒嚴未發會晉師來伐後主命悌及右將軍副軍師諸葛靚等督丹陽太守沈瑩護軍將軍孫震帥衆三萬渡江逆之至牛渚沈瑩謂悌曰晉治水軍於蜀久矣今傾國大舉萬里齊力我上流諸

軍無有戎備名將皆死幼騃當任晉之水軍必至于此
宜蓄衆力待來一戰若勝之日江西自清上方雖壞可
還取也今渡江逆戰勝不可保若或摧喪大事去矣悌
曰吳之將亡賢愚所知非今日也吾恐蜀兵來此衆心
駭懼不能復整宜及今決戰力爭若其敗喪同死社稷
無所復恨若其尅勝兵勢萬倍逆之中道不憂不破若
如子計恐行自散盡坐待賊到君臣俱降無復一人死
國難者不亦辱乎遂渡江圍晉成陽都尉張喬于楊荷

橋喬衆不敵請降諸葛靚欲屠之悌曰嚴敵在前不宜
先事其小且殺降不祥靚曰此等救兵未至力少偽降
以緩我非來伏也因其無戰心而盡坑之可以成三軍
之氣若捨之而前必為後患悌不從撫之而進與晉征
東將軍揚州刺史周浚等成陳相對沈瑩領丹陽銳卒
刀楯五十人號曰青巾兵前後屢陷堅陣以馳淮南三
軍三衝不動引退衆亂薛蒙薛班等因亂乘之張喬又
出其後吳軍大敗于楊荷橋靚等收散兵退走呼悌悌

不肯退覲住馬上自牽之曰存亡大數豈卿一人力所
奈何涕泣曰仲思今是我死日也我作兒童時便為卿
家丞相所識拔常恐不得死王事負名賢知顧今徇社
稷復何遁邪奮戰不顧覲流涕捨去數百步迴見涕為

亂兵所殺

涕有墓在板橋西晉史諸葛覲父誕為文帝
所誅覲奔吳為大司馬吳平逃竄不出武帝

與覲有舊覲姊又為琅邪王妃帝知覲在姊家因就見
焉覲逃于廁帝通見之謂曰不謂今日復得相見覲流
涕曰不能漆身皮面復覲聖顏詔以為侍中固辭不拜
歸鄉里終身不向朝廷而坐同時又有石偉字公操南
郡人好學修節介然有不可奪之志舉茂才賢良方正
皆不就景帝特徵累遷光祿勳後主朝政昏亂以老耄

癘疾乞身拜光祿大夫吳亡晉建威將軍王戎親詣偉
太康二年詔曰吳故光祿大夫石偉秉志清白皓首不
渝雖處危亂廉節可紀年已過邁不堪遠涉其以偉為
議郎加二千石秩以終厥世偉遂陽狂及盲不受晉爵

卒年八
十三

卞壺字望之濟陰宛句人父粹張華婿也壺弱冠有名
譽晉元帝鎮建鄴召為中郎甚見親仗明帝時領尚書
令與王導俱受顧命輔幼主導稱疾不朝而私送車騎
將軍郗鑒壺以導虧法從私無大臣之節御史中丞鍾
雅阿撓王典並請免官舉朝震肅壺斷裁切直不畏彊

禦幹實當官以褒貶為已任不肯苟同時好庾亮將召
蘇峻壺固爭謂亮曰峻擁強兵多藏無賴且逼近京邑
路不終朝一旦有變易為蹉跎宜深思遠慮未可倉卒
亮不納司馬任台勸壺宜蓄良馬以備不虞壺笑曰以
逆順論之理無不濟若萬一不然豈須馬哉峻果稱兵
詔以壺都督大桁東諸軍事率郭默趙胤等與峻大戰
于蔣陵西為峻所破死傷千數峻進攻青溪柵壺與諸
軍拒擊之賊放火燒宮寺六軍敗績壺時發背創猶未

合率厲散衆及左右吏數百人苦戰遂死之時年四十
八二子眡眡見父沒相隨赴賊同時見害母裴氏撫二
子屍哭曰父為忠臣爾為孝子復何恨乎徵士翟湯聞
而歎曰父死于君子死于父忠孝之道萃于一門時羊
曼周導陶瞻等同見害賊平壺贈侍中驃騎將軍開府
儀同三司謚忠貞祠以太牢世子眡散騎侍郎眡奉車
都尉晉末盜發壺墓尸僵鬚髮蒼白面如生兩手悉拳
爪甲穿達手背安帝詔給錢十萬以修塋兆第三子瞻

廣州刺史瞻弟眈尚書郎

孫忌高密人名鳳又名晟後唐明宗時事秦王從榮從榮敗亡命至壽春節度使劉金得之送詣金陵時烈祖輔吳四方豪傑多至忌口吃初與人接不能道寒暄坐定辭辯鋒起人多憎嫉之而烈祖獨喜其文辭使出教令輒合指遂預禪代祕計保大十四年周師侵淮南圍壽州以忌為司馬使周世宗以樓車載忌於壽州城下使招劉仁瞻仁瞻望見忌戎服拜城上忌逆語之曰君

受國恩不可開門納寇世宗詰之忌謝曰臣為唐大臣
豈可教節度使外叛周班師留忌大梁久之世宗以他
事發怒責問忌正色請死無撓辭問江左虛實又不肯
對命都承旨曹翰送至右軍巡院猶飲之酒數酌翰起
曰相公得罪賜自盡忌怡然整衣索笏東南望再拜曰
臣受恩深謹以死謝從者二百人亦皆誅死于東相國
寺世宗性暴急莫敢救者已而追悔元宗聞之流涕贈
太傅追封魯國公諡文忠厚恤其家擢其子為祠部郎

中賜名魯嗣

劉仁瞻字守惠淮陰洪澤人畧通儒術好兵書仕唐為
龍衛軍都虞候授清淮軍節度使周世宗自將百計攻
城晝夜不少休鼓角聲震牆壁皆動援兵屢敗仁瞻意
氣益壯世宗據胡牀城下督攻城仁瞻素善射引弓射
之箭去胡牀數步輒墮世宗命進胡牀于箭墮處後箭
復去數步仁瞻投弓于地曰天果不佑唐耶吾有死于
城下耳世宗遣中使諭曰知卿忠義然士民何罪又親

駕臨城招之自正月至四月不能下少子崇諫夜泛小舟渡淮謀紓家禍為軍校所執仁贍命腰斬之監軍文德殿使周廷構哭于中門又求救仁贍妻薛氏薛氏曰崇諫幼子固所不忍然貸其死則劉氏為不忠之門促命斬之然後成服聞者皆為出涕明年二月世宗復親征屢戰皆克唐軍被俘馘者四萬人餘衆不能復整多降周仁贍聞之扼吭憤歎世宗知城且下心獨嘉仁贍恐城破殺之下詔諭使自擇禍福三月甲辰又耀兵城

北而仁贍病已困篤不知人監軍代為表降世宗昇仁
贍至幄前撫勞嘉歎拜天平軍節度使兼中書令命還
城養疾辛亥晝晦雨沙如霧世宗在下蔡疑有變馳騎
覘之乃仁贍卒年五十八州人皆哭偏裨及士卒自剄
以徇者數十人薛氏不食五日亦死世宗遣使弔祭追
封彭城郡王錄其子崇讚為懷州刺史賜莊宅各一區
元宗聞仁贍死哭之慟贈太師中書令諡忠肅歎曰仁
贍有知其肯捨我而受周命耶是夕夢仁贍若拜謝庭

中加封衛王後主立進封越王宋開寶中子崇諒為進奉使太祖嘉其忠臣之後特命為都官郎中仁贍至今廟食壽春此亦有廟

楊邦乂字希稷吉州吉水人宋政和中以上舍生賜第建炎元年為溧陽縣令時江寧府禁卒周德叛囚其帥宇文粹中縣宰有欲應之者邦乂諭止之不聽乃設方畧圍捕殺之賊以故不得逞卒就擒事聞于朝差通判軍府事三年烏珠入侵渡淮薄江師于東采石時宰相

杜充總諸道兵留江上左顯謨閣待制陳邦光守建康
李昫以前執政為戶部尚書供餽餼充聞敵至出其軍
六萬人列戍江南岸居數日敵知充無鬪志遂渡江江
上之軍皆潰充與戲下降北兵入建康昫先降邦光欲
棄城去不果亦降獨邦光力拒不從大書其衣裙曰寧
作趙氏鬼不為他邦臣以授其僕曰持此以見吾志吾
必死矣昫邦光愧謝猶強擁邦光上馬與郊迎烏珠見
則使拜邦光叱曰我不降何拜亟遁歸卧于家明日金

將張太師諭邦又授以舊官邦又以首觸階陞曰我已
志死何多誘我為金將驚止之徐曰公所守固高奈勢
不可何第歸審思之邦又退移書其將曰世豈有不畏
死而可以利動者幸速殺我無久留我又明日金人設
宴稅邦光坐堂上樂作召邦又立庭下邦又矐眎稅邦
光叱曰天子以汝拒敵不能抗乃俯首求活已不若犬
豕復與共燕樂尚有面目見我乎金將有起取紙書死
活二字佯脅邦又曰無多言即欲死趣書死字下我乃

信邦又躍起奪吏所簪筆掣紙書字曰死敵相顧色動
又使引去明日再以見烏珠邦又不勝憤遙望見大罵
烏珠怒使人疾擊挺杖交下邦又罵不絕口遂殺之剖
腹取其心明年州以事上聞詔贈直秘閣官其子二人
即死所立廟賜額褒忠

今廟中從祀有忠義陳都義山
寨賈隅官公姪孫尚書吏部員

外郎萬里撰行狀曰斗子陳大伯者從公為僉公被囚
大伯不去公罵四太子大伯舉鬘奪擊之不中同被害
主山砦賈三郎者武勇絕人時號為賈山砦亦同公被
執賈命其子結里人為鬻薪者置兵于薪以入閭人索
之事覺父子磔于市朝廷既褒公忠遂各官二
人一子以武階邦人肖其像立公左右從祀焉

秦鉅字子野丞相檜曾孫待制建康郡侯堪之子嘉定辛巳正月金人犯蘄州鉅適通判州事與知州李誠之

協力捍禦

誠之字茂欽東陽人

求援于武昌安慶月餘兵不至策

應兵涂揮常用等棄城遁城遂陷鉅與誠之各以自隨

之兵殊死巷戰

統制官孫中小將江士旺陳興曹全丘下軍士李斌等皆關死

死傷畧

盡李歸府驅其妻子赴水乃引劍自刎

時誠之年七十矣

鉅脫

歸倅廳厲聲呼吏人劉迪急令放火燒諸倉庫赴一室自焚將死時身猶著白戰袍煙焰中可識有老卒冒火

牽之鉅叱曰我為國死汝輩可自求生掣衣就焚死次子三將仕名浚者先往四祖山兵至亟還與弟澤從父偕死教授阮希用先遣其子女赴井然後自投井中判官趙汝關知縣林榮監轄嚴剛中主簿甯時鳳相率赴水死剛中守城累有戰功而衆寡不敵遂敗城中士民殲焉惟司理參軍趙興裕先率民兵百餘人奪關出求救僅以身免而全家沒兵中作泣蘄錄以言其事嘉定十五年褒贈死事官吏鉅封顯節侯諡義烈與李誠之

皆立廟蘄州賜額褒忠

子孫今家郡中

牛將軍名富

舊史一名阜

安豐霍丘人宋制置司游擊寨兵

籍勇而知義以統制官從安撫呂文煥守襄陽之樊城樊城居漢水北襄陽城在漢南表裏相援為固先是金亡大朝屯兵鄧州襄陽光化伺隙攻伐宋亦宿重兵于襄應之積芻糧器械常數十萬計咸淳丁卯春安撫使劉雄飛覺城中氣色有異又謀知劉左丞整獻取襄之策憂懼遣使詣朝廷祈代賈似道以文煥代守襄至則

北兵已築白河互市堡兵自北來穰穰不絕秋九月文
煥下令清野繕修守備陰遣帳下回鶻人探伺北方動
靜十月大兵哨樊城城中出師迎敵殺萬戶庫庫岱自
是不大交鋒而增築鹿門山置堡江中洲上周三里餘
起萬人臺撤星橋斷襄樊下流之援然樞門關陸路尚
通荆郢高達時守江陵嘗有收復襄樊功怨朝廷處置
失宜又與呂氏不平故救襄戰不甚力而似道亦疑不
即用遣淮西閫夏貴殿帥范文虎等相繼領兵赴援皆

敗退辛未壬申行中書省行樞密院駐鹿門山遣兵斷
櫃門關于峴楚二山矢石不及之地掘塹築城下瞰城
中以綴文煥兵又斷漢江中浮航襄樊中絕不能相救
外圍益急城中兵纔七千人糧食雖足而乏薪芻布帛
張順張貴自均房上流赴援力戰至城下順溺死貴復
帥舟師潰圍出求援安陸轉戰至櫃門關誤發平安砲
城中援者退歸而北兵大至敗績死之都統制唐海護
兵士刈新城西萬山伏發被擒所用回鶻將引兵襲北

營亦敗而死城中奪氣癸酉春北兵急攻樊城富與其

眾數千人力戰不敵城陷投砲火中自焚死統制官范

大順張漢英皆戰死裨將王福見富死歎曰將軍死國

事吾豈宜獨生亦赴火死麾下戰死及投漢江者尸相

枕藉大兵據樊城乘高樹砲擊襄陽中安撫司牙樓府

牙城譙樓大字篆扁曰山南東道猶唐舊額也城中恟懼會唐都統扣城請文

煥宣諭上旨遂以城降襄樊拒大兵首尾六年將士以

死守食盡援絕其降豈得已哉按張祐情福華錄載甲戌冬大兵至陽羅堡守

關將牛富兩日夜死戰血凝雙掌以湯沃開勝負未決
十二月二十四日定海統制劉成戰敗兵始渡江南夏
貴與呂文煥對語夏發划車弩誤中千戶富既死其妻
解其遂各退師此又一牛富也存以備考

胡恭人即所居立廟奉祠額曰忠烈開國節使蓋當時

勅贈云

廟在城中西
南隅竹架街

趙淮者潭州衡山縣人宋荆湖制置使方之孫右丞相
樞密使葵之從子金源遷汴連歲南侵方開閫襄陽有
戰守功葵帥淮東平李全遷淮西制置使拔用呂文德
夏貴等皆自偏裨起為名將葵督視江淮軍馬以身任

藩屏幾四十年淳祐癸卯拜右丞相被劾去國咸淳丁卯冬告歸病卒而邊事日棘朝廷以趙氏累世將家用其子潛為沿江制置淮知無為軍德祐乙亥行省兵自江州順流而下行院兵自淮西來會據安慶降池州太平賈似道軍潰於丁家洲沿江守將或遁或降乃就家起淮為太府寺丞同臨安府通判陳昭賓于銀樹東塢措置防拓淮招集義兵聚糧造戰艦于溧陽宜興界長塘湖山山阻水置寨扼建康東出之兵江東宣撫司屢

遣使招之不從尋除江東轉運判官置司溧陽冬十月
行省分道進兵臨安別遣招討使徐王榮新野千戶陳
翼引兵攻之至元十三年正月進屯兵溧陽之永豐圩
與大兵戰敗被擒宣撫司遣徐王榮送詣淮東行省路
經秦丞相檜別墅題云祖父有功王室福澤延及子孫
淮今勢窮被執萬古忠義長存刀鋸吾所不懼誓以一
死報君伏願先靈速引庶幾不辱家門徐王榮沿途勸
誘使降淮曰汝依南朝體面則可徐信之以轎從迎過

江至行省見左丞相阿珠淮挺立不跪抗罵不已即命
斬于瓜洲淮妻二人時從行有將領逼妻之給曰伺焚
知府屍唯命是從將以為誠然聽之二妾既焚尸以衣
裹骨投金山江中並赴水死宋相陳宜中以淮死節奏
贈忠愍公事見宋史

汪立信字成父號紫源其先徽州人宋紹興末從祖澈
宣諭湖北京西曾祖智往從之取道淮西六安山中喜
其山水擇居焉子孫遂為六安人立信生而氣宇充實

端重寡言淳祐辛丑獻策招安慶劇賊胡興劉文亮等
借補承信郎丙午赴建康寓試登進士第理宗見公狀
貌雄偉顧侍臣曰此閩帥才也時年四十七授烏江簿
辟沿江制幕知桐城縣未上辟荆湖制司幹辦通判建
康府荆湖制置馬光祖辟充策應使司及本司叅議官

世說景定庚申變後賈似道忌一時閩臣行打算法汙
之趙葵宣撫所用委建康閩馬光祖打算大意欲据撫
煅煉致葵于罪汪立信時任閩幕殊不經意一日光祖
會幕客置省禮并文移案上曰此係朝廷新行一大事
須早回報成父曾見否答曰畧見揭視數板復投案上
光祖曰成父意若何立信初不對良久厲聲曰趙信庵

為朝廷事使朝廷錢制置欲去打箕今本司日日亦使
朝廷錢將後又使誰打箕乎光祖大怒曰成父敢自擔
當如此可自回報朝廷且自做制置即令吏抱印置立
信前立信曰可惜朝廷不用某作制置若某作制置須
管得體為朝廷爭氣光祖拂衣入內立信亦趨出明日
光祖意悔請立信謀之立信曰于理只當星馳報趙令
自點對當破數者破數當還朝廷者還朝廷本司備以
回關公私交益兼全朝廷之體光祖喜從之趙遂得全
以此晚節擢提舉京西南路常平義倉茶鹽公事改知招信

軍權淮東提刑景定庚申差知池州提舉江南東路權

知常州兩浙西路提刑辛酉冬移臺嘉興講行救荒之

政公自為榜

畧云古人有言世間善事惟濟人之急為第一陰間罪謫惟絕人之食為最重蓋食

者人之命一日不食則飢三日不食則死有能捐斗升以活人是為無上功德昔成都府有黃承事者每歲遇禾麥熟時以錢三萬緡收糶至來年禾麥未熟艱難之際只照元糶價出糶張忠定公鎮成都日夜夢謁紫府真君真君召黃承事坐公之上真君加敬如此其陰功蓋可見矣燕山竇十郎其家甚富歉歲則減價糶穀其窮乏無錢者則隨數調給後生五子皆登上第青州有陳季二富家歲收田租以數萬計遇歉歲則閉糶待價用小斗出糶收利十倍因此愈富不過三十年家道日漸蕭索子孫絕滅無唯類善惡之報如影隨形深可畏哉榜出民賴以濟

尋改知江州充沿江制置副使節制蘄黃興

國軍馬提舉饒州南康兵甲升江西安撫使乞祠祿差知鎮江尋充湖南安撫使知潭州到任除卧牀薦席外

備堂供帳物件悉置官庫行惠民之政以所積錢連歲
代納潭民夏稅貧無告者支米給錢病者加炭藥雨雪
旱潦軍民皆有犒給興學校禁鄉試闕場士習丕變以
潭為湖湘重鎮創威敵軍所募精銳凡數千人後帥李
芾果賴以守咸淳癸酉除權兵部尚書荆湖安撫制置
使知江陵府時襄陽被圍危急立信上疏請益安陸府
屯兵凡邊戍皆不宜抽減黃州守臣陳奕素蓄異志朝
廷宜防之又移書抵似道謂內地何所用乎多兵宜盡

抽之過江可得六十萬百里或二百里置一屯皆設都
統七千里江面纔三四十屯設兩大藩府以總攝運調
之緩急上下流相應必無能破吾聯落之勢者久之日
益進此第一策也今久拘使者在真州何不議遣使偕
行啗以厚利緩其師期年歲間我江外之藩垣成氣象
固江南之生兵日增矣此其二策也三謂若此兩說不
行惟有準備投拜其意蓋激賈行第二策賈得書大怒
指為張皇生事罵曰瞎賊敢爾妄語諷臺諫劾之甲戌

秋改兵部尚書以朱禕孫代守江陵立信歸金陵上章
丐祠德祐乙亥北兵渡江九江以下皆失守公挈家登
舟由真揚入淮遇似道江中撫公背曰端明端明似道
不用公言遂至于此答曰平章平章瞎賊今日更說一
句不得賈問公何向曰今江南無一寸乾淨地立信去
尋一片趙家地上死也要死得分明後抵高郵月餘除
端明殿學士沿江招討大使隨寓開府沿江諸軍並聽
調用而建康府已降淮東被圍公病亦篤告老授光祿

大夫致仕丞相已延行省建康聞立信所陳三策驚曰
江南亦有是人有是語乎若宋用之我豈得至此欲遣
使迎之立信得密報哭曰吾猶幸得在趙家地上死也
握拳撫案者三聲震中外以是失聲三日而死年七十
五時高郵尚未歸附以遺表奏贈少傅公先居建康興
政坊至元丁丑歸葬溧水都堂山子麟早卒姪天麒為
撰年譜云

至大金陵新志卷十三上之中

欽定四庫全書

至大金陵新志卷十三上之下

元 張鉉 撰

人物志 三

列傳

忠勲

范蠡南陽人事越二十餘年句踐即位三年而欲伐吳
蠡諫曰國家之事有持盈有定傾有節事持盈者與天

定傾者與人節事者與地夫勇者逆德也兵者凶器也
爭者事之末也陰謀逆德好用凶器始于人者人之所
卒也淫佚之事上帝之禁也先行此者不利句踐不聽
興師伐吳戰于五湖不勝棲于會稽召蠡問焉對曰君
王其忘之乎定傾者與人乃令大夫種行成于吳吳人
許諾王曰蠡為我守于國對曰四封之內百姓之事蠡
不如種也四封之外敵國之制立斷之事種亦不如蠡
也王曰諾令大夫種守國與蠡入官於吳三年而吳人

遣之歸及至于國王問蠡曰節事奈何對曰節事者與地惟地能包萬物以為一其事不失生萬物容畜禽獸然後受其名而兼其利美惡皆成以養其生時不至不可彊生事不究不可彊成時將有反事將有間必有以知天地之恒制乃可以有天下之成利事無間時無反則撫民保教以須之四年王召蠡與謀伐吳蠡不可又一年蠡曰人事至矣天應未也又一年吳殺伍子胥王召蠡問焉對曰逆節萌生天地未形而先為之征其事

是以不成并受其刑王姑待之又一年王問曰吾昔與子謀吳子曰未可今吳稻蟹不遺種其可乎對曰天應至矣人事未盡也王姑待之王怒曰子欺不穀耶吾與子言人事子應我以天時今天應至矣子應我以人事何也蠡曰夫人事必與天地相參然後可以成功今其禍新民恐其君臣上下皆知其資財之不足以支長久也將同其力致其死王其馳騁弋獵無忘國常被上將薄其德下將盡其力又使之望而不得食乃可以致天

地之殛王從之至于亥月王召蠡曰諺有之觥飲不及
壺飧今歲晚矣子將奈何對曰微君王之言臣固將謁
之臣聞從時者猶救火追亡人也蹶而趨之唯恐弗及

王曰諾遂興師伐吳至于五湖

五湖舊云笠澤溧陽長
塘湖別云洮湖即五湖

之一詳見
山川志

吳人挑戰一日五反王欲許之蠡進諫曰夫

謀之廊廟失之中原可乎王姑弗許臣聞古之善用兵
者羸縮以為常四時以為紀無過天極究數而止天道
皇皇日月以為常明者以為法微者則是行陽至而陰

陰至而陽日困而還月盈而匡故善用兵者因天地之
常與之俱行後則用陰先則用陽近則用柔遠則用剛
後無陰蔽先無陽察用人無藝往從其所剛柔以禦陽
節不盡不死其野彼來從我固守勿與若將與之必因
天地之災又觀其民之飢飽勞逸以叅之盡其陽節盈
吾陰節而奪之利宜為人客剛彊而力疾陽節不盡輕
而不可取宜為人主安徐而重固陰節不盡柔而不可
迫凡陳之道設右以為牝益左以為牡蚤晏無失必順

天道周旋無究今其來也剛彊而力疾王姑待之王曰
諾弗與戰居三年吳師潰吳王棲于姑蘇使王孫雒行
成于越曰昔者上天降禍于吳得罪于會稽今王其圖
不穀不穀請復會稽之和蠡諫不許使者往而復來辭
愈卑禮愈尊王又欲許之蠡諫曰臣聞聖人之功時為
之庸得時不成天有還形天節不遠五年復反小凶則
近大凶則遠君王忘會稽之恥乎孰使我蚤朝而晏罷
者非吳耶與我爭三江五湖之利者非吳耶十年謀之

一朝而棄之王姑勿許王曰吾欲勿許而難對其使者
子其辭之蠡左提鼓右援枹對使者曰昔者上天降禍
于越委制于吳而吳不受今將反義以報此禍吾王敢
無聽天之命而聽君王之命乎王孫雒曰子范子先人
有言曰無助天為虐助天為虐者不祥今吳稻蟹不移
種子將助天為虐不忌其不祥乎蠡曰王孫子昔吾先
君固周室之不成子也改濱于東海之濱黿龜魚鼈之
與處而鼃黽之與同處余雖覲然而人面哉吾猶禽獸

也又安知是譏譏者乎雒請反辭于王蠡曰君王已委
制于執事之人矣子往矣無使執事之人得罪于子使
者辭反蠡不報于王擊鼓興師以隨使者至於姑蘇之
宮不傷越民遂滅吳句踐既平吳命蠡築城金陵之長
干

長干在今集慶路城南天禧寺
所故址猶在詳見後古迹志

以兵北渡淮與齊晉

諸侯會于徐州致貢于周元王使人賜句踐胙命為伯
是時越兵橫行江淮東諸侯畢賀號稱霸王蠡乃辭於
王曰臣聞君憂臣勞君辱臣死昔者君王辱于會稽臣

所以不死者國之恥未雪也今事已濟矣蠡請從會稽之罰王曰所不掩子之惡揚子之美者使其自無終没于越國子聽吾言吾與子分國而治不聽吾言身死妻子為戮蠡對曰臣聞命矣君行制臣行意遂乘輕舟以浮于五湖

注見前

變姓名自謂鴟夷子皮父子戮力治產

居無幾何致產數千萬齊人聞其賢以為相蠡喟然歎曰居家則致千金居官則致卿相此布衣之極也久受尊名不祥乃歸相印盡散其財與知友鄉黨而懷其重

寶間行以去止于陶自謂陶朱公詳見史記及吳越春秋

論曰管仲相桓公霸諸侯其詐不足稱也而聖人取節焉若蠡之佐句踐因敗為成報辱為功豈與後之君臣酖于晏安甘心困辱者比乎其能持盈定傾務盡人事而觀天節皆權謀深計同於戰國之士蠡力行之外以強其國內以保其身然槩之聖賢之道功近而德遠矣張昭字子布彭城人漢末避難南渡居秦淮為孫策長

史輔孫權為軍師權嘗乘馬射虎虎突前攀持馬鞍昭變色而前曰將軍何有當爾夫為人君者謂能駕御英雄驅使羣賢豈謂馳逐于原野校勇於猛獸者乎如有一旦之患奈天下笑何權謝昭曰年少慮事不遠以此慙君權于釣臺飲酒大醉使人以水灑羣臣曰今日酣飲惟醉墮臺中乃止昭正色不言出外車中坐權呼還謂曰共作樂耳公何為怒昭對曰昔紂為糟丘酒池長夜之飲當時亦以為樂不以為惡也權默然慙遂罷酒

初權當置丞相衆議歸昭權曰方今多事職統者責重
非所以優之也後丞相孫邵卒百僚復舉昭權曰孤豈
為子布有愛乎顧丞相事煩而此公性剛所言不從怨
咎將興非所以益之也乃用顧雍昭每朝見辭氣壯厲
義形于色曾以直言逆旨中不進見後蜀使來稱蜀德
美而羣臣莫拒權歎曰使張公在坐彼不折則廢安復
自誇乎明日遣中使勞問因請見昭昭避席謝權跪止
之昭坐定仰曰昔太后桓王不以老臣屬陛下而以陛

下屬老臣是以思盡臣節以報厚恩使泯沒之後有可稱述而意慮淺短違逆盛旨自分幽淪長棄溝壑不圖復蒙引見得奉帷幄然臣愚心所以事國志在忠益畢命而已若乃變心易慮以偷榮取容此臣所不能也權辭謝焉公孫淵稱藩權遣張彌許晏往拜淵燕王昭諫曰淵背魏懼討遠來求援非本志也若淵改圖欲自明于魏兩使不反不亦取笑於天下乎權與相反覆昭意彌切權不能堪案刀而怒曰吳國士人入宮則拜孤出

宮則拜君孤之敬君亦為至矣而數于衆中折孤孤嘗
恐失計昭熟視權曰臣雖知言不用每竭愚忠者誠以
太后臨崩呼老臣于床下遺詔顧命之言故在耳因涕
泣橫流權擲刀與昭對泣然卒遣彌晏往昭忿言之不
用稱疾不朝權恨之土塞其門昭又于內以土封之淵
果殺彌晏權數慰謝昭昭固不起權因出過其門呼昭
昭辭疾篤權燒其門欲以恐之昭更閉戶權使人滅火
住門良久昭諸子共扶昭起權載以還宮深自克責昭

不得已然後朝會昭容貌矜嚴有威風權常曰孤與張公言不敢妄也舉邦憚之年八十一嘉禾五年卒遺令

幅巾素棺斂以時服權素服臨弔謚曰文

昭封婁侯著春秋左氏論

語注有宅孫閭見後傳

周瑜字公瑾廬江舒人父異洛陽令瑜長壯有姿貌初孫堅興義兵討董卓徙家于舒堅子策與瑜同年獨相友善瑜推道南大宅舍策升堂拜母有無通共瑜從父尚為丹陽太守瑜往省之會策東度到歷陽馳書報瑜

將兵迎策從攻橫江當利皆拔之乃渡擊秣陵破笮融
薛禮轉下湖孰江乘進入曲阿劉繇奔走而策之衆已
數萬因謂瑜曰吾以此衆取吳會平山越已足卿還鎮
丹陽瑜還頃之袁術遣從弟胤代尚為太守而瑜與尚
俱還壽春術欲以瑜為將瑜觀術終無所成求為居巢
長遂還吳是歲建安三年也策親自迎瑜授建威中郎
將與兵二千人騎五十疋令曰周公瑾英雋異才與孤
有總角之好骨肉之分加前在丹陽發衆及船糧以濟

大事論德酬功此未足以報者也瑜時年二十四吳中皆呼為周郎後領春穀長頃之策欲取荊州以瑜為中護軍領江夏太守從攻皖拔之復進尋陽破劉勲討江

夏還定豫章廬陵留鎮巴丘

案豫策時未能得定江夏瑜所鎮應在江西之巴丘

縣與後所卒巴丘之地不同

策薨權統事瑜將兵赴喪遂留吳與長

史張昭共掌衆事曹操破袁紹下書責權任子權召羣臣會議張昭秦松等猶豫不能決權意不欲遣質將瑜詣母前定議瑜曰昔楚國初封於荆山之側不滿百里

之地繼嗣賢能廣土開境立基于郢遂據荆揚至于南岸傳業延祚九百餘年今將軍承父兄餘資兼六郡之衆兵精糧多將士用命鑄山為銅煮海為鹽境內富饒人不思亂汎舟舉帆朝發夕到士風勁勇所向無敵有何偏迫而欲送質質一入不得不與曹氏相首尾與相首尾則命召不得不往便見制于人也極不過一侯印僕從十餘人車數乘馬數匹豈與南面稱孤同哉不如勿遣徐觀其變若曹氏能率義以正天下將軍事之未

晚若圖為暴亂兵猶火也不戢將自焚將軍韜武抗威
以待天命何送質之有權母曰公瑾議是也公瑾與伯
符同年小一月耳我視之如子汝其兄事之遂不送質
十三年九月操入荊州劉琮舉衆降操得其水軍船步
兵數十萬將士聞之皆恐權延見羣下問以計策議者
咸欲迎之瑜曰不然操雖託名漢相其實漢賊將軍以
神武雄才仗父兄之烈割據江東當橫行天下為漢家
除殘去穢況操自送死而可迎之邪請為將軍籌之今

使北土已安操無內憂能曠日持久來爭疆場又能與
我校勝負于舟楫可也今北土既未平安馬超韓遂尚
在關西為操後患且舍鞍馬仗舟楫與吳越爭衡本非
中國所長又今盛寒馬無藁草驅中國士衆遠涉江湖
之間不習水土必生疾病此數者用兵之患也而操皆
冒行之將軍擒操宜在今日瑜請得精兵三萬人進住
夏口保為將軍破之權曰老賊欲廢漢自立久矣徒忌
二袁呂布劉表與孤耳今數雄已滅惟孤尚存孤與老

賊勢不兩立君言當擊甚與孤合此天以君授孤也拔
刀斫前奏案曰諸將吏敢復有言當迎操者與此案同
及會罷之夜瑜請見曰諸人徒見操書言水步八十萬
而各恐懾不復料其虛實今以實校之彼所將中國人
不過十五六萬且軍已久疲所得表衆極七八萬耳而
尚懷狐疑夫以疲病之卒御狐疑之衆衆數雖多甚未
足畏得精兵五萬自足制之願將軍勿慮權撫背曰公
瑾卿言至此甚合孤心子布元表諸人各顧妻子挾持

私慮深失所望獨卿與子敬與孤同耳此天以卿二人
贊孤也五萬兵難卒合已選三萬人船糧戰具俱辦卿
與子敬程公便在前發孤當續發人衆多載資糧為卿
後援卿能辦之者誠決邂逅不如意便還就孤孤當與
孟德決之時劉備為操所破遣諸葛亮詣權權遂遣瑜
及程普等與備并力逆操遇于赤壁時操軍衆已有疾
病初一交戰操軍敗退引次江北瑜步將黃蓋曰今寇
衆我寡難與持久然觀操軍方連船艦首尾相接可燒

而走也乃取蒙衝鬪艦數十艘實以薪草膏油灌其中
裹以帷幕上建牙旗先書報操欺以欲降又豫備走舸
各繫大船後因引次俱前操軍吏士皆延頸觀望指言
蓋降蓋放諸船同時發火時風盛猛延燒岸上營落頃
之煙炎張天人馬燒溺死者甚衆操軍敗走還屯南郡
權拜瑜偏將軍領南郡太守以下雋漢昌瀏陽州陵為
奉邑屯據江陵劉備以左將軍領荊州牧治公安備詣
京見權瑜上疏曰劉備以梟雄之姿而有關羽張飛熊

虎之將必非久屈為人用者愚謂大計宜徙備置吳盛
築宮室多其美女玩好分此二人各置一方使如瑜者
得挾與攻戰大事可定也今猥割土地以資業之聚此
三人俱在疆場恐蛟龍得雲雨終非池中物也權以操
在北方當廣攬英雄又恐備難卒制故不納是時劉璋
為益州牧外有張魯寇侵瑜詣京見權曰今曹操新折
衄方憂腹心未能與將軍連兵相事乞與奮威俱進取
蜀得蜀而并張魯因留奮威固守其地與馬超結援瑜

還與將軍據襄陽以蹙北方可圖也權許之瑜還江陵

為行裝道於巴丘病卒

所卒之處應在今之巴陵與前所鎮巴丘名同處異也

兩

男一女女配太子登男循尚公主拜騎都尉有瑜風

王導字茂弘光祿大夫覽之孫也少有風鑒識量清遠

年十四陳高士張公見而奇之曰此兒容貌志氣將

相之器也入朝為祕書郎時有洛陽人戍邊五年不反

所聘妻父母更以女予他族女不欲行父母強之登車

生一子終悵悵成疾以死踰年前夫歸聞其家說如此

便往發墓開棺視之女還活起與前夫歸其家後夫訟
于縣縣聞之府河南尹上其事詔廷臣議咸不能決導
曰此非常事不得以常理斷之女宜還前夫詔是其議
元帝為琅邪王與導素相親善導知天下已亂遂傾心
推奉會帝出鎮下邳請導為安東司馬及徙鎮建康吳
人不附居月餘士庶莫有至者導患之會上已觀楔帝
乘肩輿具威儀導與兄敦及諸名勝皆騎從吳人紀瞻
顧榮皆江南之望竊覘之相率拜于道左帝使導躬造

榮等皆應命而至由是吳會風靡百姓歸心俄而洛京
傾覆中州士女避亂江左者十六七導勸帝收其賢人
君子與之圖事時荆揚晏安戶口殷實導為政務在清
靜朝野傾心號為仲父帝從容謂導曰卿吾之蕭何也
晉國既建以導為丞相軍諮祭酒桓彝初過江見朝廷
微弱謂周顗曰我以中州多故來此欲求全活而寡弱
如此將何以濟憂懼不樂往見導極談世事還謂顗曰
向見管夷吾無復憂矣于時軍旅不息學校未修導上

書請興復道教令朝之子弟入學帝從之語見學校志
及帝登尊號百官陪列命導升御牀共坐導固辭曰若
太陽下同萬物蒼生何由仰照乃止劉隗用事導漸見
疎遠任真推分澹如也王敦反劉隗勸帝悉誅王氏導
率羣從昆弟子姪二十餘人每旦詣臺待罪帝召見之
導稽首謝曰逆臣賊子何世無之豈意今者近出臣族
帝跣執其手曰茂弘方託百里之命于卿是何言邪乃
詔曰導以大義滅親可以吾為安東時節假之及敦得

志加導守尚書令初西都覆沒四方咸勸進于帝敦憚
帝賢明欲更議所立導固爭乃止及此役也敦謂導曰
不從吾言幾致覆族導猶執正議敦無以奪元帝愛琅
邪王裒將有奪嫡之議以問導導曰立子以長且紹又
賢不宜改革帝猶疑之導日夕陳諫故太子卒定明帝
崩導復與庾亮等同受遺詔共輔幼主石勒侵阜陵加
大司馬假黃鉞出討之軍次江寧帝親餞于郊俄而賊
退庾亮將徵蘇峻導曰峻猜險必不奉詔且山數藏疾

宜包容之固爭不從既而難作六軍敗績導入宮侍帝
峻以導德望不敢加害使以本官居己之右未幾逼乘
輿幸石頭導爭之不得使叅軍袁耽潛誘峻將路永謀
奉帝出奔義軍而峻衛禦甚嚴事遂不果導乃攜二子
隨永偕奔白石及賊平宗廟宮室並為灰燼溫嶠議遷
都豫章三吳之豪請都會稽二論紛紜未有所適導曰
建康古之金陵舊為帝里又孫仲謀劉玄德俱言王者
之宅古之帝王不以豐儉移都苟思衛文大帛之冠則

無往不可若不績其麻則樂土為虛矣且北寇遊魂伺
我之隙一旦示弱竄於蠻越求之望實懼非良計今特
宜鎮之以靜羣情自安由是嶠等謀並不行導有羸疾
不堪朝會帝數幸其府後令輿車入殿石季龍

原闕六
十二行

--	--	--	--	--	--	--	--

各得所任常疑劉牢之不可獨任王味之不宜專城牢
之既以亂終而味之亦以貪敗識者服其知人安雖受
朝寄然東山之志始末不渝每形於言色造汎海之裝
欲須經畧粗定自江道還東雅志未就遇疾還都聞當
興入西州門悵然謂所親曰昔桓溫在時吾常懼不全
忽夢乘溫興行十六里見一白鷄而止乘溫興者代其

位也十六里止今十六年矣白鷄主酉今太歲在酉吾
病殆不起乎乃上疏遜位薨年六十六帝臨于朝堂三
日贈太傅諡曰文靖莫加殊禮依大司馬桓溫故事詳
見晉史

溫嶠字太真司徒羨弟之子聰敏有識量博學屬文以
孝悌稱于邦族年十七州郡辟召皆不就平北大將軍
劉琨妻嶠之從母琨請為參軍與討石勒有功遷右司
馬元帝初鎮江左琨謂嶠曰昔班彪識劉氏之復興馬

援知漢光之可輔今晉祚雖衰天命未改吾欲立功河
朔使卿延譽江南子其行乎對曰嶠雖無管張之才而
明公有桓文之志欲建匡合之功豈敢辭命乃以為左
長史檄告中外奉表勸進嶠既至引見具陳琨忠誠志
在效節因說社稷無主天人繫望辭旨慷慨舉朝屬目
帝器而嘉焉王導周顗謝鯤庾亮桓彝等並與親善于
時江左草創綱維未舉嶠殊以為憂及見王導共談謹
然曰江左自有管夷吾吾復何慮除散騎侍郎固讓不

拜苦請北歸，奠母不許。遷太子中庶子。太子與為布衣交，數陳規諷。又獻侍臣箴。時太子起西池樓，觀頗為勞費。嶠上疏以為朝廷草創，巨寇未滅，宜應儉以率下務農。重兵太子納焉。王敦舉兵，內向六軍，敗績。太子將自出戰，嶠執鞶諫曰：「臣聞善戰者不怒，善勝者不武。如何萬乘儲副，而以身輕天下？太子乃止。」明帝即位，拜侍中，轉中書令，甚為王敦所忌。因請為左司馬，敦阻兵不朝。多行陵縱，嶠諫敦曰：「昔周公之相成王，勞謙吐握，豈好

勤而惡逸哉誠由處大任者不可不爾而公自還輦轂
入輔朝政闕拜覲之禮

原闕三十一行



陳峻罪狀有衆七千灑泣登舟未發侃復召兵還嶠與侃書曰僕與仁公並受方獄之任安危休戚理既同之進當為大晉之忠臣退當以慈父雪愛子之痛今出軍既緩復召兵還人心乖離是為敗于幾成也峻時殺侃子瞻由是侃激勵遂率所統與嶠亮同赴京師戎卒六萬旌旗七百餘里直指石城次於蔡洲侃屯查浦嶠屯沙門浦祖約據歷陽與峻為首尾見嶠等軍盛謂其黨曰吾本知嶠能為四公子之事今果然

矣峻聞嶠將至逼大駕幸石頭時峻軍多馬南軍仗舟楫不敢輕與交鋒用將軍李根計據白石築壘以自固使庾亮守之賊步騎萬餘來攻不下而退追斬二百餘級嶠又于四望磯築壘以逼賊曰賊必爭之設伏以逸待勞是制賊之一奇也既而義軍屢戰失利嶠軍食盡陶侃怒曰使君前云不憂無將士惟得老僕為主今數戰皆北良將安在荊州接胡蜀二方倉廩當備不虞若復無食僕便欲西歸更思良籌殄賊未為晚也嶠曰不

然自古成監師克在和光武之濟昆陽曹公之拔官渡以寡敵衆仗義故也峻約小豎為海內所患今日之舉決在一戰峻勇而無謀藉驕勝之勢自謂無前今挑之戰可一鼓而擒奈何捨垂立之功設進退之計且天子幽逼社稷危殆四海臣子肝腦塗地嶠等與公並受國恩是致命之日事若克濟則臣主同祚如其不捷身雖灰滅不足以謝責于先帝今之事勢義無旋踵若騎猛獸安可中下哉公若違衆獨反人心必沮沮衆敗事義

旗將迴指于公矣侃無以對遂留不去嶠于是創建行廟廣設壇場告皇天后土祖宗之靈親讀祝文聲氣激揚涕流覆面三軍莫能仰視其日侃督水軍向石頭亮嶠等率精勇一萬從白石入挑戰時峻勞其將士因醉突陣馬蹶為侃將所斬峻弟逸及子碩嬰城自固嶠乃立行臺布告天下賊將匡術以臺城來降為逸所攻求救江州別駕羅洞曰今水暴長救之不便不如攻榻杭榻杭軍若敗術圍自解嶠從之遂破賊石頭軍奮威長

史滕含抱天子奔于嶠船時侃雖為盟主而處分規畧
一出於嶠及賊滅拜驃騎將軍開府儀同三司散騎常
侍封始安郡公邑三千戶卒年四十二江州士庶聞之
莫不相顧而泣贈侍中大將軍持節都督刺史餘如故
諡曰忠武祠以太牢詳見晉史

陶侃字士行本潁陽人吳平徙家廬江之潯陽廬江太
守張夔召為督郵領樅陽令察孝廉至洛陽張華與語
異之除郎中劉弘為荊州刺史辟侃為南蠻長史遣討

張昌破之以母憂去職服闋參東海王越軍事江州刺史華軼表侃為揚武將軍元帝加侃奮威將軍遷龍驤將軍武昌太守王敦忌侃左遷廣州刺史在州無事朝運百甓于齋外暮運于齋內人問其故答曰吾方致力中原過爾優逸恐不堪事其勵志勤力皆此類太興初進號平南將軍都督交州軍事王敦反詔侃以本官領江州刺史尋轉督湘州敦得志上侃復本職加散騎常侍錄前後功進號征南大將軍開府儀同三司敦平遷

都督荆雍益梁州諸軍事領護南蠻校尉征西大將軍
荊州刺史侃性聰敏勤于吏職閭外多事千緒萬端罔
有遺漏遠近書疏莫不手答筆翰如流未嘗壅滯引接
踈遠門無停客常語人曰大禹聖者乃惜寸陰至于衆
人當惜分陰豈可逸遊荒醉生無益於時死無聞於後
是自棄也諸叅佐或以談戲廢事者命取其酒器蒲博
之具悉投之於江吏將則加鞭朴曰樗蒲者牧豬奴戲
耳老莊浮華非先王之法言不可行也君子當正其衣

冠攝其威儀何有亂頭養望自謂宏達邪造船木屑及竹頭悉令舉掌之咸不解所以後正會積雪始晴聽事前猶濕於是以屑布地及桓溫伐蜀又以竹頭作釘裝船其綜理微密皆此類蘇峻作逆京都不安侃子瞻與卞壺等皆死難平南將軍溫嶠要侃同赴朝廷推為盟主以峻殺瞻重遣書以激怒之便戎服登舟瞻喪至不臨與溫嶠庾亮俱會石頭諸軍即欲決戰侃獨謂賊盛不可爭鋒當以歲月智計擒之嶠等累戰無功侃仍屯

查浦監軍部將李根建議請立白石壘曰查浦地下又在水南唯白石峻極險固可容數千人賊來攻不便滅賊之術也侃從之夜脩曉訖賊見壘大驚賊攻大業壘侃將救之長史殷羨曰若遣救大業步戰不如峻則大事去矣但當急攻石頭峻必救之而大業自解侃又從羨言峻果棄大業而救石頭諸軍與峻戰陣陵東督護竟陵太守李陽部將彭世斬峻於陣賊衆大潰峻弟逸復聚衆侃與諸軍斬逸於石頭初峻之反由於庾亮亮

之奔也懼侃致討用溫嶠謀詣侃拜謝侃遽止之曰庾元規乃拜陶士行邪王導入石頭城令取故節侃笑曰蘇武節似不如是導有慚色使人屏之侃旋江陵尋拜侍中大尉加羽葆鼓吹改封長沙郡公邑二千戶賜絹八千疋加都督交廣寧七州軍事以江陵偏遠移鎮巴陵蘇峻將馮鐵殺侃子奔于石勒勒以為戍將侃告勒以故勒召而殺之尋以討郭默詔侃都督江州領刺史增置左右長史司馬從事中郎四人掾屬十三人移鎮

武昌疾篤上表遜位遣左長史殷羨奉送所假節麾幢
曲蓋侍中貂蟬太尉章荊江州刺史印傳檄戟以後事
付右司馬王愆期輿車出就船明日薨于樊溪時年七
十六追贈大司馬假密章祠以太牢策諡曰桓詳見晉

史

晉徵士潛字淵明即侃曾孫嘗為建鎮軍參軍宋高
祖王業漸隆不復肯仕由彭澤令棄官隱廬山云

曹彬字國華真定靈壽人父芸成德軍兵馬使彬始生
周歲日父母以百翫之具羅於席觀其所取彬左手持
干戈右手取俎豆斯須取一印他無所視人皆異之既

長氣質淳厚漢乾祐中為成德牙將周太祖貴妃張氏
彬之從母也由是得隸世宗帳下補供奉官累遷西上
閣門使出使吳越訖事即行不受私覲遷引進使宋興
遷客省使伐蜀之役彬以客省使監歸州路行營劉光
毅軍峽中郡縣悉下諸將皆欲屠城殺降彬獨任恕而
戢下所至悅服拜宣徽南院使義成軍節度使太祖伐
江南以彬將行營之師彬分兵由荆南順流而東破峽
口砦進克池州連克當塗蕪湖二縣駐軍采石磯作浮

梁跨大江以濟師大破其軍于白鷺洲進次秦淮江南
水陸十萬陳於城下大敗之進圍金陵李煜遣徐鉉奉
表詣闕乞緩師彬亦緩攻取冀煜歸服使人諭之曰事
勢如此所惜者一城生聚若能歸命策之上也城垂克
彬忽稱疾不視事諸將皆來問疾彬曰余之病非藥石
所愈惟須諸公誠心自誓以克城之日不妄殺一人則
自愈矣諸將許諾共焚香為誓明日稱疾愈遂克金陵
城中按堵李煜與其臣百餘人詣軍門請罪彬慰安之

待以客禮自出師至凱旋士衆畏服無輕肆者及入見以榜子進稱奉敕江南幹事回其謙恭不伐如此初彬之總師也太祖謂曰俟克李煜當以卿為使相副帥潘美豫以為賀彬曰不然是行也仗天威遵廟謨乃能成事吾何功哉况使相極品乎美曰何謂也彬曰太原未平爾已而還朝獻俘太祖曰本除卿使相然劉繼元未下姑少待之既聞此語美竊視彬微哂太視覺之遽詰所以美不敢隱遂以前對太祖亦大笑乃賜彬錢二十

萬彬曰人生何必使相好官亦不過多積金錢耳未幾
拜樞密使忠武軍節度使太宗即位加同平章事從平
太原加兼侍中罷為天平軍節度使封魯國公起為侍
中武寧軍節度使徙鎮平盧真宗即位拜同平章事樞
密使咸平二年被疾真宗親視臨問手為和藥賜白金
萬兩問以後事對曰臣無事可言二子璨與瑋材器有
取臣若內舉皆堪為將真宗問以優劣對曰璨不如瑋
堯年六十九贈中書令以孫女皇后恩追封濟陽郡王

諡武惠與趙普配享太祖廟廷此亦有廟

呂頤浩字元直本滄州樂陵人五世祖因官家於齊州

頤浩登宋紹聖元年進士第初調北京成安尉密州司

戶以李清臣薦除大名府國子監博士未幾改邠州教

授歷宗

關博士通判延

關

浙提舉茶鹽提舉河北東

路常平河北轉運判官召為太府少卿除轉運副使陞

都轉運使奉法稱職宣和四年童貫用兵燕薊徽宗命

頤浩為轉運使頤浩條奏河北燕山路危急五事忤旨

罷職金國漸生釁端前後反復邀求不已徽宗悟前日之言復顧浩官金人入燕山公與蔡靖以下文武官三百餘員皆為金人所執與蔡靖李與權沈琯等隨行至東京城下得還朝廷再差為河北都轉運使力辭挈家居揚州建炎元年五月高宗即位于南京召顧浩赴行在以病辭免先致書宰執大畧謂敵人詭詐不情貪婪無厭與契丹相持二十年今歲講和明年大戰前後反覆卒吞契丹今日之勢講和亦不可恃欲戰則力不逮

若非遷避更無上策議者多以謂鑾輿南渡必失中原
是大不然赤壁之戰魏彊吳弱然而魏武大勦者江淮
之間沮洳之地又有長江之險非北人用重兵之利此
吳所以勝也戰勝則勢張豈有失中原之理哉議者又
曰金人既能渡大河豈不能渡大江是亦不然黃河水
狹霜降之後水面不過一二里又無水戰之具北兵渡
河所以不能制大江則不然水面闊遠狹處不下七八
里若於南岸豫習水戰俟其半渡以輕舟戰艦順流而

下頃刻追及雖百萬之師可挫也且以夏人號善用兵
與我師相持每迭勝迭負我師未嘗如今日敗衄者以
涇原環慶等路皆山險之地非騎兵所利故也自金人
犯邊我師遇之不待接戰而輒奔潰蓋平原曠野步不
能抗騎故也愚謂宜遷避者以三十年來童貫譚稹掌
兵軍政盡壞賞罰不明人無鬪志必先革此弊然後可
以語戰兼自金人連年入侵官私馬刼掠已盡步人之
勢終難抗騎霍去病傳云自後更不議伐匈奴者以無

馬故也豈可不鑒哉今防秋在近機事宜密梁宋間諸
州環地千里城壁不固雖欲增修不可及矣願先遷宗
廟於江外大駕且駐南京萬一有警速駕南來江淮地
熱馬無稭草彼必不能久留俟彼既往我復北去亦未為
失計兵法所謂彼入我出彼出我入茲誠今日備禦之
策惟速圖之不可緩也差知揚州高宗南幸召對奏劄
畧云臣竊觀天下之勢以撥亂為急務成敗安危繫於
施設臣不敢遠引堯舜三代昔周世宗當中國殘弊之

後王朴獻策曰唐失道而失吳蜀晉失道而失幽并觀所以失之由知所以平之之術在反唐晉之失而已今陛下鑒前之失必先進賢退不肖以清其時用能去不能以審其材恩信號令以結其心賞功罰罪以盡其力恭儉節用以豐其財徭役以時以阜其民待其倉廩實財用足人安將和則有必取之勢無不成之功矣旬餘再進劄云淮南兩路北距海南阻江土地膏腴形勢雄勝臣嘗謂彊可以使之弱弱可以致之彊昔漢高祖

與項氏相持百戰百敗然垓下之役一戰遂成帝業越
王兵敗棲于會稽卑辭厚禮養兵蓄銳有待而發一戰
遂收霸功然則陛下駐蹕淮甸豈非天意所以資陛下
興王業乎伏願聚精會神苦心嘗膽期於除禍亂致太
平實萬世無疆之休也除戶部侍郎兼知揚州明年三
月進戶部尚書劇賊張遇等衆數萬自上江順流而下
破太平真州屯金山寺雖受招安而不卸甲四向焚劫
命頤浩節制諸大將往圖之頤浩設砦楊子橋單騎入

賊中訪得劉彥者為遇畫謀令不卸甲令壯士梓彥庭
下截其兩足釘于楊子橋柱餘黨震恐即日卸甲納官
散被虜之民三四萬人得被虜婦人五六千人奏給錢
米召人識認皆不失所是年十二月改吏部尚書被旨
陳備禦十策一曰收民心二曰定廟筭三曰料彼已四
曰選將材五曰明斥堠六曰訓彊弩七曰分器甲八曰
備水戰九曰控浮橋十曰審形勢累數萬言願浩久在
西北極邊諳知敵情料金人必犯淮南屢乞先輦左藏

庫物過江及獻守淮之策甚備宰執不從明年二月三日金人逼揚州車駕倉卒南渡頤浩與禮部侍郎張浚聯鑣追及上於瓜洲僅得渡江至秀州除資政殿學士同簽書樞密院事江淮兩浙制置使引羸闕人扼揚子江沿路召募潰散得四五千人屯田江府之北枕江下砦與金人對岸相持頤浩遂被甲乘輕舟於江中往來督責軍將官以舟濟渡江北被擄逃歸官員士庶軍兵家小及選募敢死之士過江遇夜燒劫敵砦又分遣

兵將沿江上下招集潰兵金人北去命頤浩兼領江寧
軍府事忽有赦書至人情洶洶頤浩之子撫時任兩浙
漕屬遣人齎蠟彈報苗傅劉正彥反叛擅廢立狀頤浩
曰此不戴天之讎也即上表請皇帝復位遣屬官奉議
郎李承造往鎮江約劉光世往平江府約張浚韓世忠
張俊等同起兵討賊官屬持不可頤浩不聽子撫及家
屬在杭州苗傅令歸朝官馬柔吉監守之公亦不顧兵
至常州傅正彥差使臣齎狀具道本末云朝廷已留知

樞密院闕以待公來順浩斬其使督進兵行至望亭張
浚自平江來見同議討賊撰檄書聲傳正彥廢立專殺
之罪抵臨平山賊將苗翊率步騎萬餘人迎擊官軍順
浩督韓世忠血戰大破之賊皇駭率衆南遁高宗復位
順浩除宣奉大夫尚書右僕射一行官吏將佐等第推
恩時建炎三年四月也尋遷左僕射與張浚密謀誅范
瓊一軍帖然時金人離淮甸未久盜賊羣起李成據宿
泗靳賽薛慶裴淵等寇掠通州淮楚京城隔絕山東河

北諸路命令不通順浩奏置三省樞密院賞功司應自
軍興以來諸路立功將校借補等人並許繳元立功干
照自陳隨宜推恩補轉官資又諸大將多乞空名告劄
軍前書填與親舊伎術無功之人致名器太輕無以激
勸公奏今後更不給降若實有功勲之人各具名保奏
從朝廷推恩庶革僥冒是年九月探報金兵南來朝議
遣兵守淮分屯建康府等處控扼江上隆祐太后前期
往江西順浩奏留六宮乞駕幸淞西號令江淮大畧謂

漢高祖唐太宗之取天下未嘗一日寧居黥布作亂是時謀臣猛將固不乏人然高祖不憚親征太宗曰吾經營天下所至處買飯而食儼舍而宿今陛下便鞭馬精馳射蓋天之所授將以撥亂安忍燕處清閒坐廢白日臣侵尋老境常恐功業不成抱恨泯滅望詢近臣察其可否然後奮發獨斷施行十月金人渡江破杭州欲逼行在頤浩憂憤不知所為遂獻航海之計帝自明州登海船趨温州會金人已回鎮江韓世忠以舟師扼江路

金人不得濟公力請車駕回幸淞西下親征之詔亟以
銳兵策應世忠交擊之以擒烏珠時人心不樂淞西之
行又中丞趙鼎謂車駕未可北去竟失機會頤浩罷相
除鎮南軍節度使開府儀同三司充醴泉觀使未幾被
命充江東安撫制置大使兼知池州力辭弗許仍令過
闕奏事頤浩入見奏曰臣近自海道北來伏見朝廷聚
集海船在明州岸下竊慮車駕欲為避敵之備夫避敵
之計固不可不預辦然備戰之計尤不可緩望鑒去年

敵騎追襲之事選兵五萬分為兩項一屯浙西一往饒
信分據水鄉或據山險邀其追襲之路使將士戮力如
明州城下之戰則戰無不勝矣萬一金人今冬不渡江
則於明年四五月間遣兵二萬由海道趨登州以揺青
齊別遣兵二萬由淮陽軍徐州以圖濮鄆金人用兵深
忌夏月我乘其忌而攻之此必勝之道且中國衰弱其
勢已甚自淮以北皆非我有士大夫苟目前之安習太
平時驕墮不振之氣殊無北向以爭天下恢復中原之

心此臣所以感慨流涕而不能已也時大寇李成遣將馬進圍江州守臣以蠟彈告急願浩曰江州乃池州上流江破則池不可保節度使楊惟忠有兵七千人屯饒州願浩請惟忠同解江圍自饒州乘舟趨南康遣大將巨師古往江州城下賊設伏夾擊師古兵潰惟忠與願浩渡江避賊具奏衆寡不敵乞濟師得王瓊軍二萬人再趨左蠡下砦會淮南崔增有兵八千人皆習水戰願浩令與瓊引兵與李成戰於湖口大敗之江州守臣以

糧盡棄城去賊據江州顧浩曰我為江東帥今不竭力
禦賊則一路皆為賊境遂置砦左蠡江岸前後數十戰
賊失利顧浩兵益振朝廷遣張俊由江西洪州路討賊
顧浩分遣王陵軍會俊與賊大戰賊兵敗走成與馬進
僅以身免拜尚書左僕射顧浩初自左蠡班師回鄱陽
而巨寇張琪李捧引兵五萬人犯饒州邦人皇駭顧浩
召愛將閻臯等自畫戰圖授之臯等方出城五里而賊
鋒已至前軍張守忠失利少却賊恃衆輕犯中軍臯力

戰而崔邦弼姚端兩軍翼擊之賊大敗走饒人安堵繪
頤浩像祠于郡中頤浩再入朝言今天下之勢先平內
寇然後可以禦外侮乞隨賊寇之大小分遣兵將官以
金字牌招安不聽命者加兵剿除諸路盜賊略平頤浩
奏敵人今年既不渡江則諸事可以措手願先定駐蹕
之地據都會之要使號令易通於川陝將兵順流而可
下漕運不至於艱阻然後速發大兵一往江西湖南以
平羣寇一往池州至建康府處置已就招安之人明年

民得專事耕桑則大江以南在我之根本立矣然後乘
大暑之際命劉光世渡淮由淮陽軍入沂密以揺青鄆
命張俊由漢中府入絳州以撼河東乘兩路民心懷宋
乏時知王師有收復中原之意則中興之業可覲若不
速為之逡巡過春夏則金人他日再來不惟大江以南
我之根本不可立而日後之患不可勝言矣又奏人事
可為者二天時可為者三昨自揚州之變兵甲器械十
失八九今張俊軍有衆三萬全裝甲萬餘副刀鎗弓箭

皆足韓世忠衆四萬張守忠軍二萬三千王瓊有衆一萬三千雖不如張俊軍盡皆精銳亦非前日怯懦之比劉光世有衆四萬雖老弱冗散者衆亦可得精銳二萬人神武中軍楊沂中有兵萬人此外又有神武後軍陳忠恭不下萬人御前中銳如崔增張守忠趙琦徐文姚端等軍亦二萬人上考太祖皇帝取天下正兵不過十萬今日有兵十六七萬器械足用何憚而不為臣所謂人事可為者一也建炎紹興大盜縱橫鄧慶冠廣東李

敦犯虔告邵清擾通泰張琪劫徽饒李成破江瑞范汝
為據建劔馬友李橫孔彥舟曹成張用劉超等散處江
南爲害於荆湖等路朝廷枝梧不暇今則悉已撲滅民
得安業臣所謂人事可爲者二也金人南牧以來我師
望塵奔潰莫敢嬰其鋒而近年張俊克捷於明州韓世
忠扼敵於鎮江陳思恭邀擊於長橋張榮大捷於淮甸
良由敵人窺覲中原黎民爭奮人有戰心天意殆將悔
禍臣所謂天時可爲者一也金人命劉豫僭位盡以中

原付之不欲南來而豫煩碎不知為國之體雖三尺童子知其不能立國況兵不如我精將不如我能勝負固可料矣觀宇文虛中密奏雖未能盡信然敵騎連年不至淮甸豈無牽制之故哉臣所謂天時可為者二也江浙等路連失耕殖兼苦水旱米價翔湧每斛一貫至二貫今年豐收米斛不及五六百江上諸州米斛三四百臣所謂天時可為者三也今韓世忠已到行在願令世忠及浚與臣等商議決策北向明年三月令韓世忠由宿州南

京以入劉光世由徐曹諸州路以入又於明州留海船
三百隻令范溫閻臯乘四月間南風北去徑取登萊凡
此數路有糧可因而登萊尤有積蓄大兵既集劉豫必
北走所得州郡擇逐州豪傑守之初則示以羈縻之義
過則以為後圖雖敵人來年秋冬間必爭其地然彼出
我入此兵法也擾之數年中原必可以復賈誼曰日中
必萋操刀必割捨此機會而不乘後欲追悔何可及耶
今有兵十六七萬費用不貲朝廷竭力經營錢糧常苦不

辦曠日持久必取於民民怨衆離乃自困之道禍亂之所起可不慎哉又今日戰兵其精銳者皆中原之人數年之後消磨寢少異時雖欲舉事勢必不能可為深惜者也上嘉納以順浩都督諸路諸軍事總師北向至鎮江病瘡踰月遣中使召還乞歸致政以鎮南軍節度使開府儀同三司充醴泉觀使寓居台州是年冬以邊防機事奏曰豫賊不知用兵之策而金酋狃於常勝不知慮敵深入吾境此天亡之時願陛下於此沍寒敵人弓

健馬壯之際且敕諸將固守江岸俟其糧盡欲退併力
追襲此萬全之策金人大酋如羅索棟摩國王幹里雅布
皆已物故今次南來者達蘭郎君四太子臣在燕山府
皆嘗聞之達蘭有謀而怯戰四太子乏謀而粗勇然四
太子所統部曲比之達蘭多而精銳四太子所向尤宜
隄防也上降詔獎諭數日又詔問以攻戰之利守備之
宜願浩條十事上之一論用兵之策二論彼此形勢三
論舉兵之時四論分道進兵之策五論運糧供軍六論

大兵進發日乞聖駕駐蹕鎮江七論經理淮甸八論機會不可失九論舟楫之利十論并謀獨斷是年十二月除荆湖南路安撫制置大使兼知潭州湖南荒歲之後羣寇竊發公悉平之明年十一月除少保充兩浙西路安撫制置大使兼知臨安府行宮留守是時車駕闕

省百司庶務浩穰頤浩決事明敏而號令嚴重豪右震懼日纔過午訟庭已寂然無事凡民間冤抑有數十年不能雪如醫僧有謀殺婦人者悉按置於法輦轂

之下政若神明紹興八年詔還臨安除少傅鎮南定江
軍節度使充江南東路安撫制置大使兼知建康府行
宮留守固辭依前少保鎮南軍節度使充醴泉觀使成
國公免奉朝請九年二月召赴行在所賜札云朕以河
南新復境土陝西最為重地惟卿舊弼元臣威望素著
欲勤卿往調護諸將拊循遺民當體朕意趣裝亟來以
濟事機毋為辭避常禮願浩奏曰金人窺覲中原去而
復來交兵累年未見寧息今者無故割新黃河河南之

地與我豈無意哉望與執政大臣子細商量及契勘陝西一路自割屬我朝以來諸路帥臣守臣曾與未曾申發到文字分遣臣僚迤邐前去訪問職位姓名傳宣撫問其廊延環慶涇原秦鳳熙河路帥臣仍許以久任之意庶幾不致疑貳稍竝定疊徐為後圖茲今日之上策也又奏陝西利害今日所繫國體甚重若一觸事機必貽後悔如張中孚等未見向背趙彬又係曲端門客本一書生其人尤為桀黠望留聖慮公力疾造朝丞相秦

檜被旨同叅政孫近李光到寓所問疾得請扶病東歸
除少傳致仕薨年六十九贈太師追封秦國公諡忠穆
子五人抗撫極檮搗孫八人曾孫十人

南軒先生張子名栻字敬夫廣漢人丞相魏國公浚之
子也高宗南渡浚與呂頤浩平苗傳劉正彥有大功以
樞密使宣撫川陝敗於富平繼督師江淮以用呂社夫
鄺瓊等軍晚歲以右相視師江淮朝眷特重會孝宗受
禪慨然有興師恢復中原之志命栻以右承務郎直祕

閣充宣撫都督機宜文字杕早從南嶽胡仁仲先生問學得河南程氏論經與旨玩索講評踐行體驗十餘年間充實光大皆可設施見于行事而魏公以身任天下安危許公之心皓首不渝杕在幕府溫清之餘內贊密謀外叅庶務其所綜畫老於班列者皆自以為不及嘗以軍事入奏始得見上即進言曰陛下上念宗社之讎耻下閔中原之塗炭惕然於中而思有以振之臣謂此心之發即天理之所存也誠願益加省察而稽古親賢

以自輔焉無使其或少息也則不惟今日之功可以必
成而千古因循之弊亦庶乎其可革矣上異其言蓋於
是始定君臣之契已而忠獻公去位用事者遂罷兵講
和金人乘其隙縱兵淮甸中外大震而廟堂猶主和議
至勅諸將毋得以兵向敵時忠獻公已即世公不勝君
親之念甫畢藏事即拜䟽言吾與金人乃不共戴天之
讎向來朝廷雖亦嘗興縞素之師然玉帛之使未嘗不
行乎其間是講和之念未忘於胷中而至誠惻怛之心

無以感格乎天人之際此所以事屢敗而功不成也今雖重為羣邪所誤以蹙國召寇然亦安知非天欲以是開聖心哉謂宜深察此理使吾胷中了然無纖芥之惑然後明詔中外公行賞罰以快軍民之憤則人心悅士氣充而敵不難却矣繼今以往益堅此志誓不言和專務自強雖折不撓使此心純一貫徹上下則遲以歲月亦何功之不成哉疏入不報後六年以補郡臨遣見上首進明大義正人心之說明年召還上問曰卿知敵中

事乎對曰敵中之事臣雖不知然境中之事則知之詳矣竊見比年諸道水旱民貧日甚而國家兵弱財匱官吏誕謾不足倚仗正使彼實可圖臣懼我之未足以圖彼也今日但當下哀痛之詔明復讎之義顯絕金人不與敵使然後修德立政用賢養民選將帥練甲兵通內脩外攘進戰退守以為一事且必治其實而不為虛文則必勝之形隱然可見雖有淺陋畏怯之人亦且奮躍而爭先矣上嘉歎面諭當以卿為講官時還朝未暮歲

而召對至六七公感上非常之遇知無不言大抵皆修身務學畏天卹民抑權倖屏讒諛之意至論復讎之義則反覆推明所以為名實之辨者益詳於是宰相近倖益憚公合中外之力以排之而公去國矣蓋公自是退居三年更歷兩鎮雖不復得聞國論而蚤夜孜孜反身脩德愛民討軍以俟國家扶義正名之舉尤極懇至天子嘗賜手書褒其忠實將復大用之而公已病病亟且死猶手疏勸上以親君子遠小人信任防一己之偏好

惡公天下之理以清四海克固丕圖若眷眷不能忘者
寫畢緘付府僚驛上之有頃而絕公為人坦蕩明白表
裏洞然詣理既精信道又篤其樂於閒過而勇於徙義
則又奮厲明決無毫髮滯吝意以至疾病垂死而口不
絕吟於天理人欲之間則平日可知也常有言曰學莫
先於義利之辨義也者本心之所當為而不能自己非
有所為而為之者也一有所為而後為之則皆人欲之
私而非天理之所存矣嗚呼至哉言也其亦可謂廣前

聖之所未發而同於性善養氣之功者歟公在建寅幹父謀國之暇嘗遊城南天禧寺竹間愛其清邃掃室讀書名曰南軒後人因建祠焉朱文公贊曰擴仁義之端至於可以彌六合謹善利之判至於可以析秋豪拳拳乎其致主之切汲汲乎其幹父之勞伉伉乎其任道之勇卓卓乎其立心之高知之者識其春風沂水之樂不知者以為湖海一世之豪彼其揚休山立之姿既與其不可傳者死矣觀於此者尚有以卜其見伊呂而失蕭

曹也耶嘉定八年賜諡曰宣景定二年正月從祀大成殿



至大金陵新志卷十三上之下